



BOLETÍN OFICIAL DO **PARLAMENTO DE GALICIA**

XI lexislatura
Número 380
15 de setembro de 2022



SUMARIO

1. Procedementos parlamentarios

1.3. Procedementos de control e impulso

1.3.3. Exame de programas e plans

1.3.3.3. Propostas de resolución

■ Resolucións aprobadas polo Pleno do Parlamento de Galicia na sesión do día 13 de setembro de 2022 relativas ao Plan estratéxico de Galicia 2022-2030 [148723](#)

1.4. Procedementos de información

1.4.4. Preguntas

1.4.4.3. Preguntas para resposta por escrito

Admisión a trámite e publicación

■ 40119 (11/PRE-014303)

Grupo Parlamentario do Bloque Nacionalista Galego

Rodil Fernández, Olalla e 2 máis

Sobre a regulación das familias monoparentais [148733](#)

■ 40136 (11/PRE-014304)

Grupo Parlamentario dos Socialistas de Galicia

Rodríguez Dacosta, María del Carmen e Seco García, Martín

Sobre a valoración que fai o Goberno galego das acusacións relativas á situación de colapso, descontrol e descoordinación do servizo de loita contra incendios, as causas polas que se produciu, as previsións ao respecto e a composición do operativo contra incendios [148736](#)

■ 40182 (11/PRE-014305)

Grupo Parlamentario do Bloque Nacionalista Galego

Fernández Alfonso, Ramón e 3 máis

Sobre a previsión de construír unha rotonda na estrada AC-116 ao seu paso pola parroquia do Val, no concello de Narón [148740](#)

■ 40229 (11/PRE-014306)

Grupo Parlamentario do Bloque Nacionalista Galego

Queixas Zas, Mercedes e 2 máis

sobre as xestións realizadas pola Xunta de Galicia diante do Goberno do Estado para que este dea cumprimento da Lei 3/1981, do 15 de xuño, de normalización lingüística, respecto do topónimo Valadares na sinalética da VG-20 grafado de forma incorrecta [148743](#)



I 40232 (11/PRE-014307)**Grupo Parlamentario dos Socialistas de Galicia****Díaz Varela, Noa Susana e Otero Lago, Noelia**

Sobre a información emitida polos medios públicos galegos respecto da exhumación de vítimas do réxime franquista

[148746](#)**I 40236 (11/PRE-014308)****Grupo Parlamentario do Bloque Nacionalista Galego****Bará Torres, Xosé Luís e Tabarés Pérez-Piñeiro, Iago**

Sobre as previsións do Goberno galego respecto das demandas trasladadas pola Federación Galega de Municipios e Provincia en relación co desenvolvemento e o cumprimento do Pacto local galego e mais coa reactivación da Comisión Galega de Cooperación Local e dos grupos de traballo

[148749](#)**I 40248 (11/PRE-014309)****Grupo Parlamentario dos Socialistas de Galicia****Arangüena Fernández, Pablo e 3 máis**

Sobre as medidas levadas a cabo polo Goberno galego na prevención de incendios nos últimos cinco anos, así como sobre a valoración do impacto e a previsión de medidas para evitar que se repitan os incendios que afectaron este verán espazos naturais protexidos

[148752](#)**I 40254 (11/PRE-014310)****Grupo Parlamentario dos Socialistas de Galicia****Rodríguez Dacosta, María del Carmen e 5 máis**

Sobre as previsións da Xunta de Galicia respecto da reforma integral do estadio do Couto, na cidade de Ourense

[148754](#)**I 40255 (11/PRE-014311)****Grupo Parlamentario do Bloque Nacionalista Galego****Castro García, Daniel e 2 máis**

Sobre o motivo polo que a Axencia para a Modernización Tecnolóxica de Galicia atrasou a entrega de pantallas educativas para os colexios e o alumnado, así como as previsións ao respecto

[148758](#)**I 40263 (11/PRE-014312)****Grupo Parlamentario do Bloque Nacionalista Galego****Lourenzo Sobral, Manuel Antonio e 2 máis**

Sobre as medidas que ten pensado adoptar o Goberno galego para resolver os problemas que se están a dar co agrupamento de educación infantil no Colexio de Educación Infantil e Primaria Antonio Blanco Rodríguez, de Covelo

[148762](#)**I 40270 (11/PRE-014313)****Grupo Parlamentario dos Socialistas de Galicia****Castro Rey, Paloma e 3 máis**

Sobre a valoración por parte do Goberno galego dun curso de formación dirixido a empoderar mulleres coa mellora do seu acceso ao mundo dixital, que está dirixido unicamente por homes, e sobre o seguimento do cumprimento do principio de igualdade no desenvolvemento dos cursos formativos subvencionados con fondos *Next Generation*

[148765](#)

I 40282 (11/PRE-014314)**Grupo Parlamentario do Bloque Nacionalista Galego****Queixas Zas, Mercedes e Fernández Alfonso, Ramón**

Sobre as previsións do Goberno galego respecto da aceptación das alegacións presentadas ao proxecto de liña de alta tensión LAT 220 kV Gato-Mesón e subestación colectora Mesón 220/132 kV [148768](#)

I 40295 (11/PRE-014316)**Grupo Parlamentario do Bloque Nacionalista Galego****Tabarés Pérez-Piñeiro, Iago e Bará Torres, Xosé Luís**

Sobre a continuación da autoestrada AG-31 ata a fronteira portuguesa [148771](#)

I 40339 (11/PRE-014317)**Grupo Parlamentario do Bloque Nacionalista Galego****Lourenzo Sobral, Manuel Antonio e 2 máis**

Sobre as previsións da Xunta de Galicia respecto das posibles modificacións da Orde do 29 de abril de 2022 pola que se regula a participación no fondo solidario de libros de texto, co obxecto de a facer compatible co proxecto E-Dixgal [148774](#)

I 40411 (11/PRE-014318)**Grupo Parlamentario do Bloque Nacionalista Galego****Rodil Fernández, Olalla e Ríos Santomé, Paulo**

Sobre as medidas previstas pola Xunta de Galicia para garantir a equidade no custo das viaxes en transporte público para o conxunto das galegas e dos galegos [148777](#)

I 40420 (11/PRE-014319)**Grupo Parlamentario dos Socialistas de Galicia****Díaz Varela, Noa Susana e Otero Lago, Noelia**

Sobre a valoración da afectación ambiental e cultural e as negociacións levadas a cabo polo Goberno galego respecto da construción da infraestrutura de transporte de enerxía eléctrica LAT 220 kV DC Lousame-Tivo, así como sobre a transparencia da súa acción política [148780](#)

I 40453 (11/PRE-014320)**Grupo Parlamentario dos Socialistas de Galicia****Castro Rey, Paloma e 2 máis**

Sobre o funcionamento do servizo de ambulancias na área sanitaria de Pontevedra-O Salnés [148782](#)

I 40459 (11/PRE-014321)**Grupo Parlamentario dos Socialistas de Galicia****Torrado Quintela, Julio e Otero Rodríguez, Patricia**

Sobre a causa da perda da produción marisqueira da ría de Arousa e as medidas previstas para a súa recuperación [148784](#)

I 40465 (11/PRE-014322)**Grupo Parlamentario dos Socialistas de Galicia****Otero Lago, Noelia e Díaz Varela, Noa Susana**

Sobre o sistema de axudas para a adquisición de libros de texto e material escolar [148786](#)



I 40485 (11/PRE-014323)**Grupo Parlamentario do Bloque Nacionalista Galego****Pérez Fernández, Rosana e 3 máis**

Sobre as consecuencias do arrastre de cinzas e outros materiais ás canles fluviais provocado por mor dos lumes do mes de agosto na comarca da Barbanza, así como as medidas adoptadas para as evitar

[148788](#)**I 40500 (11/PRE-014324)****Grupo Parlamentario dos Socialistas de Galicia****Otero Lago, Noelia e 3 máis**

Sobre a previsión do remate do estudo, anunciado pola conselleira de Igualdade, acerca das persoas LGTBI no ámbito laboral e os motivos do atraso na súa elaboración

[148791](#)**I 40506 (11/PRE-014325)****Grupo Parlamentario dos Socialistas de Galicia****Otero Lago, Noelia e 3 máis**

Sobre a valoración por parte do Goberno galego da situación do colectivo LGTBI na nosa comunidade, así como as previsións para favorecer a integración

[148793](#)**I 40510 (11/PRE-014326)****Grupo Parlamentario do Bloque Nacionalista Galego****Rivas Cruz, Xosé Luís e 2 máis**

Sobre a opinión que ten o Goberno galego respecto do Real decreto 428/2022, do 7 de xuño, que desenvolve o Plan nacional de resposta ás consecuencias económicas e sociais da guerra de Ucraína, así como da exclusión das axudas ás explotacións extensivas de ceba tradicional

[148796](#)**I 40530 (11/PRE-014328)****Grupo Parlamentario do Bloque Nacionalista Galego****Rivas Cruz, Xosé Luís e 2 máis**

Sobre a valoración e as previsións por parte do Goberno galego respecto da situación das explotacións cárnicas en extensivo dentro do marco de axudas regulado polo Real decreto 428/2022, do 7 de xuño

[148802](#)**I 40549 (11/PRE-014329)****Grupo Parlamentario dos Socialistas de Galicia****Otero Lago, Noelia e Díaz Varela, Noa Susana**

Sobre a supresión de unidades educativas e de profesorado nos centros de ensino públicos

[148807](#)**I 40554 (11/PRE-014330)****Grupo Parlamentario dos Socialistas de Galicia****Castro Rey, Paloma e 2 máis**

Sobre o coñecemento por parte do Goberno galego das denuncias presentadas pola veciñanza de Lourizán polo aumento dos cheiros e o ruído da depuradora tras as obras de mellora executadas

[148809](#)**I 40582 (11/PRE-014331)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre as previsións da Xunta de Galicia para poñer en valor o patrimonio cultural a partir de recursos dixitais [148811](#)

I 40586 (11/PRE-014332)

Grupo Parlamentario do Bloque Nacionalista Galego

González Iglesias, María do Carme e 2 máis

Sobre o concerto do cantante C. Tangana en Vigo patrocinado pola Xunta de Galicia dentro da programación de concertos do Xacobeo [148814](#)

I 40593 (11/PRE-014333)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre os proxectos presentados ao proceso de contratación do servizo de creación, posta en marcha e mantemento da plataforma tecnolóxica de Galicia Film Commission [148818](#)

I 40599 (11/PRE-014334)

Grupo Parlamentario do Bloque Nacionalista Galego

Fernández Alfonso, Ramón e 2 máis

Sobre a situación do persoal do hotel Carrís Almirante de Ferrol [148721](#)



1. Procedementos parlamentarios

1.3. Procedementos de control e impulso

1.3.3. Exame de programas e plans

1.3.3.3. Propostas de resolución

Resolucións aprobadas polo Pleno do Parlamento de Galicia na sesión do día 13 de setembro de 2022 relativas ao Plan estratéxico de Galicia 2022-2030

O Pleno do Parlamento de Galicia, na sesión do día 13 de setembro de 2022, aprobou as seguintes resolucións relativas ao Plan estratéxico de Galicia 2022-2030:

Resolución nº 1

«Desenvolver o Plan de prevención galego contra o suicidio e seguir a previr enfermidades mentais».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 26 do G. P. dos Socialistas de Galicia)

Resolución nº 2

«Desenvolver as medidas necesarias para garantir un *stock* estratéxico de material e equipos de protección sanitarios, para facer fronte ás necesidades, así como un *stock* operativo que evite roturas de *stock* no caso de desabastecementos».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 28 do G. P. dos Socialistas de Galicia)

Resolución nº 3

«Continuar a colaborar co sistema educativo para mellorar en materia de educación para a saúde, desenvolvendo unha acción conxunta para concienciar dende idades temperás da importancia de incorporar hábitos saudables».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 29 do G. P. dos Socialistas de Galicia)



Resolución nº 4

«Fomentar a mobilidade sustentable e alternativa, promovendo a utilización do transporte público e colectivo, facéndoo máis atractivo, e potenciando a mobilidade eléctrica (despregando a infraestrutura de carga necesaria)».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 35 do G. P. dos Socialistas de Galicia)

Resolución nº 5

«Impulsar a intermodalidade e a conexión entre diferentes modos de transporte (mellorar horarios, frecuencias e conexións, así como mellorar a accesibilidade ás estacións intermodais). Fomentar a coordinación necesaria entre as administracións competentes na execución das estacións intermodais, co fin de impulsar a finalización das que están en construción, e impulsar, se é o caso, as que estean en proxecto de planificación».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 41 do G. P. dos Socialistas de Galicia)

Resolución nº 6

«Impulsar os procesos de xestión de subvencións para a implantación da recollida separada dos biorresiduos derivadas das transferencias estatais deste ano 2022 e seguir colaborando con todas as administracións para mellorar a xestión dos residuos municipais e acadar o cumprimento dos obxectivos europeos de xestión.

Seguir a colaborar coas distintas administracións públicas para mellorar o tratamento dos residuos, especialmente no eido da recollida separada».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 50 do G. P. dos Socialistas de Galicia)

Resolución nº 7

«Fomentar unha senda de crecemento sostible no investimento en I+D por parte das administracións públicas en Galicia, incentivando ademais unha maior participación da iniciativa privada.

Adoptar as medidas necesarias para que o persoal investigador e o persoal de apoio á investigación poidan consolidar a súa carreira profesional estable e previsible, dun xeito equivalente á dos países máis avanzados.



Garantir o cambio xeracional e a atracción e retención de talento, así como garantir o principio de igualdade efectiva entre mulleres e homes».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 54 do G. P. dos Socialistas de Galicia)

Resolución nº 8

«Impulsar que a RIS3 desenvolva un programa de reforzo dos sectores estratéxicos, co fin de aumentar a súa competitividade, reforzando a formación continua e a creación de axentes dinamizadores en innovación».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 57 do G. P. dos Socialistas de Galicia)

Resolución nº 9

«Adaptar as tecnoloxías dixitais ás persoas con discapacidade e outros colectivos especialmente vulnerables, facilitando e estendendo o seu uso».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 60 do G. P. dos Socialistas de Galicia)

Resolución nº 10

«Desenvolver un programa de conservación das vías autonómicas».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 80 do G. P. dos Socialistas de Galicia)

Resolución nº 11

«Desenvolver na súa totalidade o Plan director de estradas de Galicia».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 81 do G. P. dos Socialistas de Galicia)



Resolución nº 12

«Desenvolver medidas encamiñadas a impulsar un turismo de excelencia, sostible, rendible e en liña coas novas tecnoloxías existentes e futuras, acordadas co sector, cos actores económicos e coas administracións».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 111 do G. P. dos Socialistas de Galicia)

Resolución nº 13

«Impulsar o uso do galego nas TIC e nas plataformas de redes sociais e contido audiovisual».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 154 do G. P. dos Socialistas de Galicia)

Resolución nº 14

«Continuar a crear salas Gesell nos xulgados galegos, de xeito que estean presentes, polo menos, nos xulgados das sete principais cidades galegas».

Aprobada por 56 votos a favor, ningún en contra e 18 abstencións.

(Resolución resultante da transacción entre o G. P. Popular de Galicia e o G. P. dos Socialistas de Galicia verbo da proposta de resolución núm. 177 do G. P. dos Socialistas de Galicia)

Resolución nº 15

«Impulsar medidas que avancen cara ao aproveitamento dos metais secundarios a partir da recuperación e da reciclaxe».

Aprobada pola unanimidade dos 73 deputados e deputadas presentes.

(Proposta de Resolución núm. 49 do G. P. dos Socialistas de Galicia).

Resolución nº 16

«Eliminar os TCA (tramos de concentración de accidentes) con investimentos apoiados en criterios técnicos e de seguridade».

Aprobada pola unanimidade dos 73 deputados e deputadas presentes.

(Proposta de Resolución núm. 82 do G. P. dos Socialistas de Galicia).



Resolución nº 17

«Desenvolver os plans de ordenación dos recursos forestais, dando cumprimento ao establecido na Lei 7/2012».

Aprobada pola unanimidade dos 73 deputados e deputadas presentes.

(Proposta de Resolución núm. 86 do G. P. dos Socialistas de Galicia).

Resolución nº 18

«Potenciar actuacións de forestación e silvicultura que, ademais de valorizar os produtos do monte, supoñan unha medida preventiva para diminuír o risco de incendios forestais. Mellorar a capacidade de absorción do sector forestal e fomentar os produtos madeireiros como depósitos de carbono».

Aprobada pola unanimidade dos 73 deputados e deputadas presentes.

(Proposta de Resolución núm. 91 do G. P. dos Socialistas de Galicia).

Resolución nº 19

«Impulsar os aproveitamentos forestais en montes de xestión privada, coa habilitación de procedementos áxiles para a tramitación das autorizacións necesarias, así como para o cumprimento das obrigas en materia da legalidade da madeira e produtos baseados en madeira».

Aprobada pola unanimidade dos 73 deputados e deputadas presentes.

(Proposta de Resolución núm. 95 do G. P. dos Socialistas de Galicia).

Resolución nº 20

«Elaborar e aprobar o I Plan de igualdade da Administración xeral da Xunta de Galicia».

Aprobada pola unanimidade dos 73 deputados e deputadas presentes.

(Proposta de Resolución núm. 141 do G. P. dos Socialistas de Galicia).

Resolución nº 21

«O Parlamento de Galicia acorda a aprobación do Plan extratécnico de Galicia 2022-2030»

Aprobada por 41 votos a favor, 32 en contra e ningunha abstención.

(Proposta de Resolución núm. 1 do G. P. Popular de Galicia).



Resolución nº 22

«O Parlamento de Galicia insta a Xunta de Galicia a deseñar e poñer en marcha unha Estratexia galega para a economía azul, de xeito que cubra os sectores e industrias que están directamente apoiados no medio mariño ou costeiro, en liña coa decisión da Unión Europea e centrada na base das actividades marítimo-pesqueiras tradicionais, tendo como elemento clave a coordinación e compatibilidade con outras actividades e o equilibrio e sustentabilidade en termos ambientais, sociais e económicos».

Aprobada por 55 votos a favor, 18 en contra e ningunha abstención.

(Proposta de Resolución núm. 2 do G. P. Popular de Galicia).

Resolución nº 23

«O Parlamento de Galicia insta a Xunta de Galicia a que, xa definida a proposta, lidere a revisión e reforma da Política Común de Pesca e todas as súas normas conexas, sinalando que un deseño adecuado da nova PPC ten que ser unha solución europea e europeísta que reforce a cohesión social e económica e que reforce a Unión. Esta proposta de reforma debe abordar, desde a cogobernanza co sector, os retos actuais para alcanzar unha pesca sustentable, equitativa e próspera para o futuro, sendo o maior reto garantir que o sector pesqueiro europeo poida traballar en igualdade de condicións, xa que é unha industria enormemente globalizada, e afianzar o carácter social desta actividade, acadando unha axeitada remuda xeracional».

Aprobada por 55 votos a favor, ningún en contra e 18 abstencións.

(Proposta de Resolución núm. 3 do G. P. Popular de Galicia).

Santiago de Compostela, 14 de setembro de 2022
Miguel Ángel Santalices Vieira
Presidente

A Mesa do Parlamento, na súa sesión do día 12 de setembro de 2022, adoptou os seguintes acordos:

1.4. Procedementos de información

1.4.4. Preguntas

1.4.4.3. Preguntas para resposta por escrito

Admisión a trámite e publicación

- 40119 (11/PRE-014303)

Grupo Parlamentario do Bloque Nacionalista Galego

Rodil Fernández, Olalla e 2 máis

Sobre a regulación das familias monoparentais



- 40136 (11/PRE-014304)

Grupo Parlamentario dos Socialistas de Galicia

Rodríguez Dacosta, María del Carmen e Seco García, Martín

Sobre a valoración que fai o Goberno galego das acusacións relativas á situación de colapso, descontrol e descoordinación do servizo de loita contra incendios, as causas polas que se produciu, as previsións ao respecto e a composición do operativo contra incendios

- 40182 (11/PRE-014305)

Grupo Parlamentario do Bloque Nacionalista Galego

Fernández Alfonso, Ramón e 3 máis

Sobre a previsión de construír unha rotonda na estrada AC-116 ao seu paso pola parroquia do Val, no concello de Narón

- 40229 (11/PRE-014306)

Grupo Parlamentario do Bloque Nacionalista Galego

Queixas Zas, Mercedes e 2 máis

sobre as xestións realizadas pola Xunta de Galicia diante do Goberno do Estado para que este dea cumprimento da Lei 3/1981, do 15 de xuño, de normalización lingüística, respecto do topónimo Valadares na sinalética da VG-20 grafado de forma incorrecta

- 40232 (11/PRE-014307)

Grupo Parlamentario dos Socialistas de Galicia

Díaz Varela, Noa Susana e Otero Lago, Noelia

Sobre a información emitida polos medios públicos galegos respecto da exhumación de vítimas do réxime franquista

- 40236 (11/PRE-014308)

Grupo Parlamentario do Bloque Nacionalista Galego

Bará Torres, Xosé Luís e Tabarés Pérez-Piñeiro, Iago

Sobre as previsións do Goberno galego respecto das demandas trasladadas pola Federación Galega de Municipios e Provincia en relación co desenvolvemento e o cumprimento do Pacto local galego e mais coa reactivación da Comisión Galega de Cooperación Local e dos grupos de traballo

- 40248 (11/PRE-014309)

Grupo Parlamentario dos Socialistas de Galicia

Arangüena Fernández, Pablo e 3 máis

Sobre as medidas levadas a cabo polo Goberno galego na prevención de incendios nos últimos cinco anos, así como sobre a valoración do impacto e a previsión de medidas para evitar que se repitan os incendios que afectaron este verán espazos naturais protexidos

- 40254 (11/PRE-014310)

Grupo Parlamentario dos Socialistas de Galicia

Rodríguez Dacosta, María del Carmen e 5 máis

Sobre as previsións da Xunta de Galicia respecto da reforma integral do estadio do Couto, na cidade de Ourense



- 40255 (11/PRE-014311)

Grupo Parlamentario do Bloque Nacionalista Galego

Castro García, Daniel e 2 máis

Sobre o motivo polo que a Axencia para a Modernización Tecnolóxica de Galicia atrasou a entrega de pantallas educativas para os colexios e o alumnado, así como as previsións ao respecto

- 40263 (11/PRE-014312)

Grupo Parlamentario do Bloque Nacionalista Galego

Lourenzo Sobral, Manuel Antonio e 2 máis

Sobre as medidas que ten pensado adoptar o Goberno galego para resolver os problemas que se están a dar co agrupamento de educación infantil no Colexio de Educación Infantil e Primaria Antonio Blanco Rodríguez, de Covelo

- 40270 (11/PRE-014313)

Grupo Parlamentario dos Socialistas de Galicia

Castro Rey, Paloma e 3 máis

Sobre a valoración por parte do Goberno galego dun curso de formación dirixido a empoderar mulleres coa mellora do seu acceso ao mundo dixital, que está dirixido unicamente por homes, e sobre o seguimento do cumprimento do principio de igualdade no desenvolvemento dos cursos formativos subvencionados con fondos *Next Generation*

- 40282 (11/PRE-014314)

Grupo Parlamentario do Bloque Nacionalista Galego

Queixas Zas, Mercedes e Fernández Alfonzo, Ramón

Sobre as previsións do Goberno galego respecto da aceptación das alegacións presentadas ao proxecto de liña de alta tensión LAT 220 kV Gato-Mesón e subestación colectora Mesón 220/132 kV

- 40295 (11/PRE-014316)

Grupo Parlamentario do Bloque Nacionalista Galego

Tabarés Pérez-Piñeiro, Iago e Bará Torres, Xosé Luís

Sobre a continuación da autoestrada AG-31 ata a fronteira portuguesa

- 40339 (11/PRE-014317)

Grupo Parlamentario do Bloque Nacionalista Galego

Lourenzo Sobral, Manuel Antonio e 2 máis

Sobre as previsións da Xunta de Galicia respecto das posibles modificacións da Orde do 29 de abril de 2022 pola que se regula a participación no fondo solidario de libros de texto, co obxecto de a facer compatible co proxecto E-Dixgal

- 40411 (11/PRE-014318)

Grupo Parlamentario do Bloque Nacionalista Galego

Rodil Fernández, Olalla e Ríos Santomé, Paulo

Sobre as medidas previstas pola Xunta de Galicia para garantir a equidade no custo das viaxes en transporte público para o conxunto das galegas e dos galegos

- 40420 (11/PRE-014319)

Grupo Parlamentario dos Socialistas de Galicia

Díaz Varela, Noa Susana e Otero Lago, Noelia



Sobre a valoración da afectación ambiental e cultural e as negociacións levadas a cabo polo Goberno galego respecto da construción da infraestrutura de transporte de enerxía eléctrica LAT 220 kV DC Lousame-Tivo, así como sobre a transparencia da súa acción política

- 40453 (11/PRE-014320)

Grupo Parlamentario dos Socialistas de Galicia

Castro Rey, Paloma e 2 máis

Sobre o funcionamento do servizo de ambulancias na área sanitaria de Pontevedra-O Salnés

- 40459 (11/PRE-014321)

Grupo Parlamentario dos Socialistas de Galicia

Torrado Quintela, Julio e Otero Rodríguez, Patricia

Sobre a causa da perda da produción marisqueira da ría de Arousa e as medidas previstas para a súa recuperación

- 40465 (11/PRE-014322)

Grupo Parlamentario dos Socialistas de Galicia

Otero Lago, Noelia e Díaz Varela, Noa Susana

Sobre o sistema de axudas para a adquisición de libros de texto e material escolar

- 40485 (11/PRE-014323)

Grupo Parlamentario do Bloque Nacionalista Galego

Pérez Fernández, Rosana e 3 máis

Sobre as consecuencias do arrastre de cinzas e outros materiais ás canles fluviais provocado por mor dos lumes do mes de agosto na comarca da Barbanza, así como as medidas adoptadas para as evitar

- 40500 (11/PRE-014324)

Grupo Parlamentario dos Socialistas de Galicia

Otero Lago, Noelia e 3 máis

Sobre a previsión do remate do estudo, anunciado pola conselleira de Igualdade, acerca das persoas LGTBI no ámbito laboral e os motivos do atraso na súa elaboración

- 40506 (11/PRE-014325)

Grupo Parlamentario dos Socialistas de Galicia

Otero Lago, Noelia e 3 máis

Sobre a valoración por parte do Goberno galego da situación do colectivo LGTBI na nosa comunidade, así como as previsións para favorecer a integración

- 40510 (11/PRE-014326)

Grupo Parlamentario do Bloque Nacionalista Galego

Rivas Cruz, Xosé Luís e 2 máis

Sobre a opinión que ten o Goberno galego respecto do Real decreto 428/2022, do 7 de xuño, que desenvolve o Plan nacional de resposta ás consecuencias económicas e sociais da guerra de Ucraína, así como da exclusión das axudas ás explotacións extensivas de ceba tradicional



- 40530 (11/PRE-014328)

Grupo Parlamentario do Bloque Nacionalista Galego

Rivas Cruz, Xosé Luís e 2 máis

Sobre a valoración e as previsións por parte do Goberno galego respecto da situación das explotacións cárnicas en extensivo dentro do marco de axudas regulado polo Real decreto 428/2022, do 7 de xuño

- 40549 (11/PRE-014329)

Grupo Parlamentario dos Socialistas de Galicia

Otero Lago, Noelia e Díaz Varela, Noa Susana

Sobre a supresión de unidades educativas e de profesorado nos centros de ensino públicos

- 40554 (11/PRE-014330)

Grupo Parlamentario dos Socialistas de Galicia

Castro Rey, Paloma e 2 máis

Sobre o coñecemento por parte do Goberno galego das denuncias presentadas pola veciñanza de Lourizán polo aumento dos cheiros e o ruído da depuradora tras as obras de mellora executadas

- 40582 (11/PRE-014331)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre as previsións da Xunta de Galicia para poñer en valor o patrimonio cultural a partir de recursos dixitais

- 40586 (11/PRE-014332)

Grupo Parlamentario do Bloque Nacionalista Galego

González Iglesias, María do Carme e 2 máis

Sobre o concerto do cantante C. Tangana en Vigo patrocinado pola Xunta de Galicia dentro da programación de concertos do Xacobeo

- 40593 (11/PRE-014333)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre os proxectos presentados ao proceso de contratación do servizo de creación, posta en marcha e mantemento da plataforma tecnolóxica de Galicia Film Commission

- 40599 (11/PRE-014334)

Grupo Parlamentario do Bloque Nacionalista Galego

Fernández Alfonso, Ramón e 2 máis

Sobre a situación do persoal do hotel Carrís Almirante de Ferrol

Santiago de Compostela, 13 de setembro de 2022

María Elena Candia López

Vicepresidenta 1ª





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Olalla Rodil Fernández, Montserrat Prado Cores e Iria Carreira Pazos, deputadas do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a política do Goberno da Xunta de Galiza en relación coas familias monoparentais.

EXPOSICIÓN DE MOTIVOS

Desde o ano 2010 o Partido Popular na Xunta de Galiza vén anunciando a creación dun Rexistro de familias monoparentais. Porén, máis dunha década despois este rexistro aínda non existe e está en proceso de elaboración (formulación de achegas vía web) o decreto que debe regulalo.

As familias monoparentais, tanto por causas sobrevidas como por libre decisión, representan un modelo de fogar crecente no noso país e no mundo froito das mudanzas sociais que se produciron nas últimas décadas. Segundo os datos da propia Xunta supoñen no noso país arredor de 42.000.

A inmensa maioría das familias monoparentais tanto en Galiza como no conxunto do Estado español está encabezadas por mulleres, o 80%, e padecen taxas de precariedade, pobreza e risco de exclusión superiores ao do conxunto da poboación. Así, de acordo cos datos da Rede galega contra a pobreza (EAPN-Galiza) previos á pandemia provocada pola Covid-19, o 46,8% das familias monoparentais atopábanse en situación ou risco de exclusión social. Tendo en conta o impacto que tivo a crise sanitaria sobre o conxunto das traballadoras galegas, é máis que evidente que esta situación empeorou.





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Nos últimos meses varias mulleres que encabezan familias monoparentais por libre decisión gañaron xudicialmente o recoñecemento dos seus dereitos laborais, concretamente a gozar do permiso de maternidade ampliado para aproximar a súa situación á duha familia biparental. Situacións coma esta evidencian que é necesario impulsar mudanzas lexislativas e que Galiza vai tarde a respecto doutros territorios da nosa contorna como Navarra e Catalunya que contan con senllas leis de recoñecemento e acreditación da monoparentalidade ou Aragón, Valencia e Cantabria que contan con ordes e decretos semellantes.

Por todo o exposto formúlanse as seguintes preguntas para resposta escrita:

- Cando vai aprobar a Xunta de Galiza o decreto que regula e acredita a condición de familia monoparental?
- Que definición recollerá a Xunta de familia monoparental?
- Que medidas prevé incorporar de apoio e de prevención e loita contra a pobreza?
- Cando se creará o Rexistro de familias monoparentais?

Santiago de Compostela, 2 de setembro de 2022

Asdo.: **Olalla Rodil Fernández**

Montserrat Prado Cores

Iria Carreira Pazos

Deputadas do G.P. do BNG





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Asinado dixitalmente por:

Iria Carreira Pazos na data 02/09/2022 11:22:48

María Montserrat Prado Cores na data 02/09/2022 11:22:51

Olalla Rodil Fernández na data 02/09/2022 11:22:59



Á Mesa do Parlamento

Carmen Rodríguez Dacosta e Martín Seco García, deputada e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta para a súa resposta por escrito**.

En xuño de 2022 era anunciado polo conselleiro de Medio Rural melloras na organización e coordinación do dispositivo antiincendios ao crearse un Sistema Estrutural de Mando Operativo (SEMOP) para mellorar a seguridade e a eficacia das operacións en incendios de complexidade avanzada.

Os medios humanos e materiais mantéñense, en liñas xerais, en valores semellantes aos das últimas campañas, cun operativo de máis de 7.000 persoas, contabilizando tanto as persoas profesionais propias da Xunta de Galicia como os/as adscritos/as a outras administracións, cando no anexo II do Pladiga 2022, fala de 5394 persoas (2149 concellos, parques comarcais e municipais, 59 do Estado e 3186 da Xunta de Galicia).

Tamén subliñaba a ampliación da Rede de vídeo vixilancia forestal, con seis novas cámaras dispoñibles en tres novas localizacións.

Asemade, indicaba que o Plan de prevención posto en marcha contemplaba unha inversión de 33,1 millóns de euros para actuar en preto de 58.600 hectáreas e en 5.780 quilómetros de pistas e outras vías. Tamén se prevía a construción de 111 novos puntos de auga e o acondicionamento dos 4.750 xa existentes, entre outras medidas.

Contrariamente ao anunciado pola Xunta de Galicia, os e as profesionais que este verán loitaban contra o lume falaban de descontrol e colapso, mencionar a título de exemplo unha das publicacións de xullo do presente ano e que reproduzo de forma textual:

DOCE HORAS SEN FACER NADA

"Eu estiven doce horas dando voltas, sen facer nada. Antes en 12 horas apagabamos dous lumes e agora pois vas dun lado para outro sen facer nada pola desorganización que hai", di o bombeiro. De feito, corrobora o que xa



sinalaron outros compañeiros. Mandan aos incendios medios de toda Galicia que descoñecen estradas e camiños. *"Non saben por onde andan. Hai brigadas que chegan a puntos que non fan falla, mentres que son necesarios noutros"*, asegura aludindo a descoordinación que existe.

"Todo é un desastre. Ata o lume mete medo e arde moito. Cambiaron os lumes tamén. Hai 20 anos era o lume máis pequeno e o dispositivo máis organizado e agora o lume é máis grande e o dispositivo máis desorganizado", critica o bombeiro ourensán.

Tamén, bombeiro forestal condutor de motobomba e vogalde ATRIFOGA, di que "fisicamente non podes máis". "Ademais, cando o dispositivo colapsa e hai descontrol é bastante difícil xestionar o avituallamento... Hai sitios onde non se está dando por descoordinación e porque o sistema está colapsado", ademais, están exhaustos. Teñen oito horas de traballo prolongables a 12 en caso de incendio, pero agora mesmo hai xente que está traballando ata 16 horas no lume. "Iso non se pode tolerar porque o corpo non pode máis unha vez que chega ás doce horas de traballo nun incendio", asegura.

Por iso insiste na "profesionalización" dun sector que só traballa seis meses ao ano e mellorar o sistema de vixilancia. A Xunta de Feijóo fixo nos últimos anos un programa bastante importante no que despregou unha chea de cámaras de vixilancia, pero pechou moitas casetas e agora eles dependen moito da xente que dea avisos e lles facilite información".

O Goberno galego debe dar resposta a estas afirmacións que tachan de descontrol e descoordinación no operativo antiincendios.

Organizacións sindicais sinalaban que nas brigadas contra incendios non se cobren baixas, nin vacacións nin incapacidades, co que os cadros de persoal están moi mermadas e algunhas funcionan con so dous ou tres compoñentes, co que resulta moi difícil o traballo de extinción de incendios na nosa comunidade.



Polo exposto, a deputada e o deputado que asinan formulan as seguintes preguntas para a súa resposta escrita:

1. Que valoración realiza o Goberno galego das acusacións realizadas na que se afirma que o servizo de loita contra incendios este verán estaba colapsado, producíndose situacións de descontrol e descoordinación?
2. Cales foron as razóns de que o operativo antiincendios non estivera ao cen por cen cuberto ao inicio do período de alto risco?
3. Cales son as razóns de que as brigadas, en moitas ocasións, saíran os incendios con dous ou tres compoñentes?
4. En cantos distritos forestais se fixeron xornadas formativas sobre o novo sistema estrutural de mando operativo (SEMOP) e a quen foi dirixido?
5. Cantas horas durou cada xornada?
6. Por que na memoria do Pladiga non se fai un apartado específico que estableza e comente como se van facer as comunicacións no SEMOP segundo os diferentes niveis de ataque (inicial, ampliado, con ou sen xefe de planificación)?
7. No cronograma do SEMOP que aparece no anexo 12.3 do Pladiga cando falan de brigadas, van a especificar unicamente o número ou van a sinalar de cada brigada cantos bombeiros a forman?
8. En que caso teñen pensado que sexa a mesma persoa o Director Técnico de Extinción (DTE) e o Xefe de Operacións aéreas (XOA)?
9. Cando interveña no novo dispositivo do SEMOP unha unidade de apoio operativa, formada por un axente, dúas brigadas e un vehículo motobomba, como actuará no sector ou sectores que o equipo de recepción de medios lle asigne?
10. Da inversión anunciada de 30 millóns, que cantidade se executou ata o momento con especificación das obras realizadas distribuídas por municipios?

Pazo do Parlamento, 2 de setembro do 2022





PARLAMENTO DE GALICIA
REXISTRO XERAL ENTRADA
Data asento: 02/09/2022 13:32:34
Nº Rexistro: 40136
Data envío: 02/09/2022 13:32:34.974

Asinado dixitalmente por:

María del Carmen Rodríguez Dacosta na data 02/09/2022 13:27:14

Martín Seco García na data 02/09/2022 13:27:23

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Ramón Fernández Alfonzo, Luis Bará Torres, Paulo Ríos Santomé e Alexandra Fernández Gómez, deputados e deputada do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a construción dunha rotonda na estrada AC-116 ao seu paso pola parroquia do Val no concello de Narón.

EXPOSICIÓN DE MOTIVOS

Desde hai varios anos que a asociación de veciños da parroquia do Val, no Concello de Narón, Asociación Os Irmandiños, ven reivindicando a construción dunha rotonda na AC-116, estrada de Valdoviño, no punto onde coinciden por unha banda o cruzamento coa DP-5408 que vai cara o Polígono Río do Pozo, e pola outra o desvío cara o lugar de Carballedas da parroquia do Val, cruzamento onde se atopa a sala de festas “La Concha”.

Trátase dunha estrada autonómica con moito tráfico, que comunica Ferrol con parroquias como O Val, do Concello de Narón, e outras do Concello de Valdoviño como Meirás ou Lago, e todas elas co mencionado polígono Río do Pozo, onde como é sabido existe unha gran concentración de centros de traballo.

Así que tanto por motivos laborais como por lecer (praias) é unha estrada con moito tráfico que ten rotondas xa a día de hoxe na maioría dos seus cruzamentos, agás no punto obxecto desta iniciativa, malia ser un cruzamento con problemas de visibilidade por cambio de rasante.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

A instalación da rotonda melloraría moito a seguridade no tráfico pois serviría tamén para reducir a velocidade facilitando as incorporacións á estrada autonómica AC-116 nos dous sentidos do tráfico.

Por todo isto formúlanse as seguintes preguntas para resposta escrita:

1. Coñece a Xunta de Galiza a demanda da asociación de veciños da parroquia do Val no Concello de Narón para instalar unha rotonda na AC-116 no punto onde coinciden por unha banda o cruzamento coa DP-5408 que vai cara o Polígono Río do Pozo, e pola outra o desvío cara o lugar de Carballedas da parroquia do Val, onde se atopa a sala de festas “La Concha”?

2. Por que malia o elevado tráfico e a mala visibilidade é un dos poucos cruzamentos na estrada de Valdoviño na que non se ten instalado unha rotonda?

3. Ten a Xunta de Galiza algunha previsión para instalar unha rotonda no punto obxecto desta iniciativa?

Santiago de Compostela, 5 de setembro de 2022

Asdo.: **Ramón Fernández Alfonzo**

Paulo Ríos Santomé

Alexandra Fernández Gómez

Luis Bará Torres

Deputados e deputada do G.P. do BNG





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Asinado dixitalmente por:

Alexandra Fernández Gómez na data 05/09/2022 10:17:23

Xosé Luis Bará Torres na data 05/09/2022 10:17:28

Paulo Ríos Santomé na data 05/09/2022 10:17:37

Ramón Fernández Alfonzo na data 05/09/2022 10:17:44





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Mercedes Queixas Zas, Carme González Iglesias e Alexandra Fernández Gómez, deputadas do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a corrección da toponimia deturpada na vía de titularidade estatal VG-20.

EXPOSICIÓN DE MOTIVOS

A VG-20 ou Segundo Cinto de Circunvalación de Vigo é unha vía perimetral que transcorre entre as parroquias de Beade e Navia e enlaza as autoestradas AG-57 e AP-9 coa terminal de vehículos de Bouzas, pasando polo hospital Álvaro Cunqueiro (CHUVI) e o Parque Tecnolóxico e Loxístico (PTL) de Valadares.

A VG-20 foi inaugurada en 2005 con numerosos erros na sinalética, principalmente no que atinxe á rotulación da parroquia viguesa de Valadares, pois aparece non menos de oito veces en grandes rótulos de altura como VaLLadares, así como tamén en rótulos baixos e indicadores de túnel, incumprindo a Lei 3/1981 de Normalización Lingüística, que no seu artigo 10 indica que:

1. Os topónimos de Galicia terán como única forma oficial a galega.

No momento da súa posta en marcha e en momentos posteriores foi denunciada esta anomalía pero até o de agora o Ministerio de Fomento non a corrixiu.

Valadares, na súa forma correcta e histórica, é como aparece en mapas e webs municipais e autonómicas, e mesmo en mapas e webs internacionais. Valadares é un topónimo do que xa se ten constancia rexistral desde o século XII.





OFICINA PARLAMENTAR

Parlamento de Galiza

Rúa do Hórreo, 63, Tel. 0034 981 551 545

gp-bng@parlamentodegalicia.gal

15702 Santiago de Compostela

Galiza

A forma Valladares é unha castelanización recente, documentada a mediados do século XIX, como demostran os expertos Gonzalo Navaza e Araceli Luna no seu recente estudo Toponimia do val do Fragoso.

O Concello de Vigo, a Deputación de Pontevedra e a Xunta de Galiza, en cadansúas webs e comunicacións coa cidadanía, empregan sempre a forma correcta e oficial Valadares, polo que é inexplicable que unha administración como o Ministerio de Fomento teime nos seus paneis viarios no uso de formas deturpadas na máis recente historia e fomentadas polo franquismo, polo que debería proceder coa máxima rapidez á corrección de toda a sinalética desta vía VG-20 onde figure a toponimia incorrecta.

Por todo isto formúlase a seguinte pregunta para resposta escrita:

Que xestións ten realizado a Xunta de Galiza diante do goberno do Estado para que este dea cumprimento da Lei 3/1981 a respecto do topónimo Valadares na sinalética da VG-20 grafado de forma incorrecta como Valladares?

Santiago de Compostela, 5 de setembro de 2022

Asdo.: Mercedes Queixas Zas

Alexandra Fernández Gómez

Carme González Iglesias

Deputadas do G.P. do BNG





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Asinado dixitalmente por:

Mercedes Queixas Zas na data 05/09/2022 12:05:03

María do Carme González Iglesias na data 05/09/2022 12:05:08

Alexandra Fernández Gómez na data 05/09/2022 12:05:16



Á Mesa do Parlamento

Noa Díaz Varela e Noelia Otero Lago, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O ministro de Presidencia e a ministra de Dereitos Sociais e Axenda 2030 visitaban o 31 de agosto os traballos de exhumación de fosas de vítimas do franquismo en Colmenar Viejo, un acontecemento informativo ao que deu cobertura a TVG no seu Telexornal Mediodía.

A peza informativa, dun total 40 segundos de duración, consistiu nunha entradiña do presentador e imaxes da visita locutadas polo mesmo profesional e remataba cun inserto da comparecencia da ministra diante dos medios de comunicación (20”).

Ese inserto, lonxe de responder a unha pregunta do medio público galego ou a outra que fornecese de máis información a peza, consistiu en dar voz a unha plataforma dixital de extrema dereita liderada por ‘axitadores e axitadoras’ que din ser un medio de comunicación pero que en realidade simulan cubrir acontecementos xornalísticos para espallar as súas teses neofascistas e crear polémicas inexistentes nas redes sociais. Tanto é así que non só as grandes plataformas dixitais continuamente lle están a pechar as súas contas e canais senón que o 31 de agosto fomos o esperpento de todo o Estado por rachar co baleiro mediático ao que practicamente todos os medios informativos -tamén os de dereitas- someten a estes grupos ultradereitistas.

O Grupo Socialista leva tempo denunciando a manipulación informativa nos medios públicos galegos, sumándonos ás voces de moita parte do público e mesmo da plataforma Defende A Galega, unha manipulación que practicamente levamos a debate en cada unha das comisións de control parlamentaria. Mais esa manipulación chegou xa a un límite que merece unha reflexión profunda acerca do futuro máis inmediato da corporación.

Descoñecemos se a marcha do ex presidente da Xunta de Galicia a Madrid ou a próxima cita electoral de maio próximo son as causas da actual deriva dos informativos da CRTVG, que xa nin se conforman con manipular para favorecer un goberno do Partido Popular senón que agora estenden esa manipulación funcionando de altofalante da ultradereita e máis nunha cuestión de tanta sensibilidade e relevancia social como é a memoria democrática.



Se os nosos medios públicos non respectan a dor de miles de familias que queren recuperar os corpos dos seus familiares fusilados polo réxime de Franco, preguntámonos cal será a seguinte barbaridade informativa nesta ansia por ser a ferramenta propagandística do PP e do señor Feijóo.

Porque o que é claro é que a información na que se fundamenta esta pregunta parlamentaria racha con calquera criterio xornalístico e o que é aínda peor, co código deontolóxico ao que calquera profesional e medio se debe. Nin o contido nin a forma cumpren coa misión de servizo público nin cos principios para os que a CRTVG foi creada, sobrepasando os límites da manipulación informativa - cal vai ser a próxima?- dun xeito inaceptable, tanto que merece o relevo total da dirección da corporación e o cese das persoas que ordenaron inserir ese corte na información.

Por iso, as deputadas que asinan, solicitan en resposta escrita contestación ás seguintes preguntas:

1ª) Como valora que nunha información sobre a exhumación de vítimas do réxime franquista a metade da peza sexa unha pregunta que unha plataforma de ultradereita lle fai a unha membro do Goberno do Estado co único ánimo de polemizar?

2ª) Como valora que a CRTVG sexa o único ou dos poucos medios de comunicación de todo o Estado que algunha vez deu voz a este tipo de plataformas creadoras de *fake-news* de extrema dereita?

3ª) Cal era o feito noticiable desa información?

4ª) Cre que o inserto mellorou a comprensión da información?

5ª) Que se pretendía en realidade con ese inserto?

6ª) Considera que o acontecido nesa información cumpre co rigor xornalístico?

7ª) É practica habitual da CRTVG converter as preguntas dos medios realizadas nunha comparecencia en protagonistas da información?

8ª) Quen tomou ou tomaron a decisión de introducir ese inserto? Houbo ordes directas para facelo?

9ª) Cal é a razón de que no Telexornal Serán non se emitise ese inserto? Quen o decidiu?



10ª) Houbo dimisións por este feito inaceptable? E petición formal de dimisións?
E algún despedimento?

11ª) Elaborouse esa información coa clara intencionalidade de prexudicar a imaxe do Goberno de España e por conseguinte axudar o impulso do Sr. Feijóo na súa nova etapa en Madrid?

12ª) Vai continuar a CRTVG con esta deriva propagandística a favor do Partido Popular botando man da manipulación informativa?

Pazo do Parlamento, 5 de setembro de 2022

Asinado dixitalmente por:

Noa Susana Díaz Varela na data 05/09/2022 12:34:02

Noelia Otero Lago na data 05/09/2022 12:34:16





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Luis Bará Torres e Iago Tabarés Pérez-Piñeiro, deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

EXPOSICIÓN DE MOTIVOS

1. O pasado mes de xullo a FEGAMP enviou un documento á Xunta titulado “Retos autonómicos para a mellora dos servizos públicos locais” que inclúe propostas a respecto dos seguintes ámbitos

-Comisión e grupos de traballo bilaterais sobre Financiamento e ámbito competencial, Comisión Galega de Cooperación Local, Servizos Sociais

-Financiamento e Pacto Local: Lei autonómica de participación nos ingresos da comunidade autónoma; asunción de servizos e obrigas económicas que sufragan os concellos sen ser da súa competencia, fondo específico de equilibrio territorial, fondo de compensación interterritorial, fondo específico sobre a totalidade dos custos das escolas infantís, fondos europeos Next Generation

-Mellora na xestión dos servizos: infraestruturas de telecomunicacións, modificación do decreto de socorristas, ciclo da auga, biorresiduos.

2. Nun contexto de crise económica e de incremento dos prezos, os concellos galegos demandan un cambio na relación coa administración





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

autonómica, unha clara delimitación das competencias, unha regulamentación do financiamento local e unha maior atención nos orzamentos do ano 2023. Para iso é necesario reactivar o Pacto Local, a Comisión Galega de Cooperación Local e os grupos de traballo creados en diferentes materias.

Por todo isto formúlanse as seguintes preguntas para resposta escrita:

-Que previsións ten a Xunta a respecto do desenvolvemento e cumprimento do Pacto Local Galego?

-Que previsións ten o goberno galego a respecto das demandas trasladadas pola FEGAMP para a reactivación da Comisión Galega de Cooperación Local e dos grupos de traballo?

-Ten previsto a Xunta aprobar unha lei de participación nos ingresos da comunidade autónoma dos concellos galegos, consensuada coa FEGAMP, na que se clarifique a participación anual e os criterios de reparto, e a progresiva integración no Fondo de Cooperación Local das axudas e subvencións anuais que a comunidade autónoma destina ás entidades locais?

-Cando ten previsto o goberno galego asumir os servizos e obrigas económicas de subministros, mantemento e reparación dos centros de ensino infantil e primario, conservatorios profesionais de música, unidades municipais de asistencia a drogodependencias, centros de saúde e xulgados de paz?

-Que previsións ten a Xunta a respecto do Fondo Específico para os concellos, destinado ao equilibrio territorial?





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

-Que previsións ten o goberno galego en relación coa asunción da totalidade dos custos das escolas infantis municipais?

Santiago de Compostela, 5 de setembro de 2022

Asdo.: **Luis Bará Torres**
Iago Tabarés Pérez-Piñeiro
Deputados do G.P. do BNG

Asinado dixitalmente por:

Xosé Luis Bará Torres na data 05/09/2022 12:56:17

Iago Tabarés Pérez-Piñeiro na data 05/09/2022 12:56:21



Á Mesa do Parlamento

Pablo Arangüena Fernández, Carmen Rodríguez Dacosta, Martín Seco García e Paloma Castro Rey, deputados e deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

Este verán tivo lugar un gran número de incendios en Galicia, moitos dos cales afectaron de forma especial a espazos naturais con distintas figuras de protección ambiental. Así, por exemplo, houbo incendios moi importantes en espazos tan senlleiros e valiosos como O Courel e as inmediacións de Pena Trevinca (Rede Natura 2000), e os parques naturais do Invernadoiro, Serra de Enciña da Lastra e Xurés.

Eses incendios, ademais de afectar a propiedades particulares como calquera outro, tiveron unha especial incidencia no medio natural na medida en que afectaron a zonas dun elevado valor ecolóxico nunha comunidade que ten con gran diferenza a rede de espazos protexidos máis pequena de España desde o punto de vista da superficie protexida.

Por iso, os deputados e as deputadas que asinan, solicitan en resposta escrita, contestación ás seguintes preguntas:

1ª) Que medidas vai adoptar o Goberno de Galicia para evitar que se repitan os incendios que afectaron este verán a espazos naturais protexidos e para restaurar as zonas afectadas?

2ª) Como valora o Goberno de Galicia o impacto dos incendios que afectaron este verán a espazos naturais protexidos en Galicia?

3ª) Cal foi a superficie afectada polos incendios que afectaron este verán a espazos naturais protexidos en Galicia?

4ª) Cal foi o orzamento que dedicou a Xunta de Galicia a previr incendios nos espazos naturais de Galicia nos últimos 5 anos?

5ª) Que medidas levou a cabo a Xunta para previr incendios nos espazos naturais de Galicia nos últimos 5 anos?

Pazo do Parlamento, 5 de setembro de 2022





Asinado dixitalmente por:

Pablo Arangüena Fernández na data 05/09/2022 13:07:24

María del Carmen Rodríguez Dacosta na data 05/09/2022 13:07:45

Martín Seco García na data 05/09/2022 13:07:59

Paloma Castro Rey na data 05/09/2022 13:08:20



Á Mesa do Parlamento

Carmen Rodríguez Dacosta, Marina Ortega Otero, Eduardo Ojea Arias, Julio Torrado Quintela, Paloma Castro Rey e Pablo Arangüena Fernández, deputadas e deputados pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O 15 de setembro de 2021, o secretario xeral para o Deporte anunciaba a bombo e platillo en Ourense o proxecto de reforma e ampliación do estadio do Couto, que contaría cun orzamento de 2,6 millóns de euros e un prazo de execución de 7 meses. Á obra principal destinaríanse 1,6 millóns de euros, namentres que 250.000 serían para trámites de cesión duns terreos propiedade do Concello de Ourense, e posterior urbanización, e unha partida final de 700.000 euros iría dedicada a renovación do terreo de xogo.

Pois ben, un ano despois deste anuncio, as obras de reforma do estadio do Couto avanza paseniñamente, prexudicando gravemente aos clubs que fan uso destas instalacións e os seus siareiros/as e persoas seguidoras que están padecendo xa estes lentos avances. Coa temporada xa iniciada, terán que sufrir o peche dalgunha das gradas, impedindo o acceso á mesma, debido a falta de previsión da Xunta de Galicia para levar a cabo estes traballos durante os meses de verán e evitar que co comezo da tempada, comecen tamén as obras nas gradas.

O estadio do Couto, en Ourense, presenta a día de hoxe unha imaxe lamentable, froito de décadas de abandono e desleixo por parte da Xunta de Galicia, propietaria das instalacións. As estruturas atópanse nunha situación moi preocupante, con numerosas gretas e totalmente desgastadas polo paso do tempo e a ausencia de actuacións. Unha das gradas, concretamente a de fondo, leva anos pechada ante o abandono que sofre e o perigo que suporía abrila ao público, xa que non contaba nin con servizos de saneamento mínimos. A reforma prevista na estrutura, non solucionará a problemática, xa que cos cartos previstos, non se poderá renovar a estrutura, rematar coas gretas, nin tampouco solucionar os problemas do cableado que colga por todas partes, nin das numerosas fochancas e danos estruturais na zona das bancadas.

A elo súmase o deplorable estado do terreo de xogo, con numerosas “calvas” (ausencia de herba) en determinadas zonas e cun céspede que non conta coas condicións mínimas para a disputa de encontros de fútbol en categoría nacional. Nas últimas datas tivemos constancia que ademais da UD Ourense e o Ourense



CF, clubs que no seu día asinaron coa Xunta de Galicia o uso do estadio en exclusividade, sumárase tamén o CD Arenteiro, debido ás obras de cambio do céspede de Espiñedo, o que suporá que en 7 días se disputen sobre o campo de fútbol do Couto, tres encontros, situación que xera gran preocupación, xa que dado o lamentable estado do céspede, é probable que con este uso desmedido, remate nunhas condicións aínda máis pésimas, deixando o terreo de xogo sen céspede e con máis terra que herba.

Dende o PSdeG-PSOE esixímoslle á Xunta de Galicia que dote a Ourense dun campo de fútbol en condicións e acorde á terceira cidade de Galicia. Ourense é a día de hoxe a única cidade de todo o territorio español que conta cun estadio nunhas condicións lamentables e que ademais dá unha imaxe vergoñenta a aqueles que visitan as instalacións ou seguen as retransmisiós pola televisión. Cabe lembrar que no Couto retransmítense encontros da 2ª RFEF e da Terceira División, polo que consideramos que as instalacións amosan unha imaxe pésima das instalacións e da cidade. Basta con percorrer a provincia para comprobar que campos de capitais de comarca e outros municipios, en categorías máis inferiores, contan cunhas instalacións moito máis dignas das que ten a cidade de Ourense.

Durante as últimas décadas a Xunta de Galicia optou por pequenos parches, que non serviron máis que para ter que volver a realizar investimentos en anos seguintes. O Couto precisa dunha reforma integral e con investimentos acordados que permitan que o estadio se converta no referente que foi na cidade e non optar por “chapuzas” que o único que provocan é pan para hoxe e fame para mañá. Dende 2011 realizáronse investimentos por valor de 3 millóns de euros, pero a realidade é que foi un rotundo desastre e basta con dar unha volta polo estadio do Couto para comprobalo.

Nos últimos días tamén tivemos constancia, que de golpe e plumazo, a Xunta de Galicia decidiu que as novas bancadas que se van a instalar serán só de color azul, eliminando por completo o vermello, cores e signo de identidade do ourensanismo, da cidade e do extinto CD Ourense. Unhas cores, as vermellas e azuis, que sempre se asociaron coa cidade das Burgas e cos seguidores do fútbol en Ourense. Non entendemos a decisión da Xunta de levar a cabo esta atrocidade, nin tampouco que non se escoite aos clubs e afeccionados, que xa reclamaron que se instalen butacas en ámbalas cores e preservar así a historia de Ourense e do campo do Couto.



Por todo o exposto, as deputadas e os deputados que asinan formulan as seguintes preguntas para a súa resposta escrita:

1. Vai optar a Xunta de Galicia nalgún momento por unha reforma integral do estadio do Couto ou seguirá con parches que xa demostraron que non son máis que un comecartos?
2. Dada a pésima situación do céspede do estadio do Couto e dado que serán 3 os clubs que comecen a xogar sobre o mesmo, ten prevista a Xunta de Galicia algunha actuación no céspede para mellorar as súas condicións a curto prazo?
3. A partir de que mes está previsto que comecen os traballos de reposición do céspede comprometidos por importe de 700.000 euros?
4. Que motivou a Xunta de Galicia a eliminar a cor vermella das bancadas do Couto? Pensan rectificar e escoitar a aqueles que esixen que se recuperen?

Pazo do Parlamento, 5 de setembro do 2022

Asdo.: Carmen Rodríguez Dacosta
Marina Ortega Otero
Eduardo Ojea Arias
Julio Torrado Quintela
Paloma Castro Rey
Pablo Arangüena Fernández
Deputadas e deputados do G.P. dos Socialistas de Galicia

Asinado dixitalmente por:

María del Carmen Rodríguez Dacosta na data 05/09/2022 13:47:06

Marina Ortega Otero na data 05/09/2022 13:47:14

Eduardo Ojea Arias na data 05/09/2022 13:47:24





Julio Torrado Quintela na data 05/09/2022 13:47:31

Paloma Castro Rey na data 05/09/2022 13:47:40

Pablo Arangüena Fernández na data 05/09/2022 13:47:48





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Daniel Castro García, Manuel Lourenzo Sobral e Iago Tabarés Pérez-Piñeiro, deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre o proceso de licitación AMT – 2021 – 0041 Lote 1.

EXPOSICIÓN DE MOTIVOS

Plexus en base á mostra vinculante presentada da marca Synetech é a adxudicataria da licitación AMT – 2021 – 0041 Lote 1 Pantallas Educativas por un importe aproximado de quince millóns de euros, subvencionados con fondos europeos, segundo se puido confirmar na páxina web de AMTEGA.

Por esta adxudicación, Plexus subscribe un acordo marco a través do que se compromete a subministrar 5 mil pantallas da marca Synetech pola que obtivo a adxudicación.

Por outra banda, o obxectivo publicitado e coñecido no sector educativo de Galiza do proxecto Abalar, era subministrar e instalar polo menos 5 mil pantallas nos colexios galegos antes do comezo de curso 2022-2023. Pero por motivos descoñecidos desde a sinatura do acordo marco realizada en xaneiro de 2022, e transcorridos nove meses, desde a AMTEGA non se lanzou o derivado para garantir o cumprimento do obxectivo de dita licitación.





OFICINA PARLAMENTAR

Parlamento de Galiza

Rúa do Hórreo, 63, Tel. 0034 981 551 545

gp-bng@parlamentodegalicia.gal

15702 Santiago de Compostela

Galiza

Alén disto, o adxudicatario Plexus que estableceu unha colaboración para a intermediación financeira e comercial de Sibucu360, S.L. e MoonOff, para o intento de cambio a pantalla e a marca seleccionadas por unha marca propia, Tafeltech, creada en febreiro posteriormente á sinatura e ratificación do acordo marco.

Isto xera unha serie de dúbidas debido a que estas entidades (Sibucu360, S.L. e MoonOff) están relacionada con José Ramón García, anterior CEO de Blu:sens, que esta condenado por sentenza firme pola comisión de delito fiscal. Ademais, tense coñecemento de que Plexus está, na citada licitación, intentando cambiar as pantallas que foron adxudicadas a este concurso e que son da marca Synetech L75SY por outras pantallas con marca propia, Tafeltech, creada en febreiro do 2022. Todo isto, a pesar das múltiples e reiteradas comunicacións da marca Synetech sobre a súa capacidade para servir as pantallas seleccionadas.

Do mesmo xeito, tívose coñecemento de que os técnicos da AMTEGA avaliaron estas novas pantallas Tafeltech e fixérono negativamente. Consta tamén que a AMTEGA ten puntual coñecemento e información de todo isto desde xaneiro de 2022 e que estivo facilitando e permitindo coas súas accións que o adxudicatario Plexus e as empresas relacionadas con José Ramón García continúen no seu intento de cambio de pantalla, pese a todas as irregularidades e o proceso xurídico que rodea a esta licitación e que foron recorrentemente postos en coñecemento da AMTEGA por parte de Linux Technology.

Por todo isto formúlanse as seguintes preguntas para resposta escrita:





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

1. Cal é o motivo polo que a AMTEGA atrasou continuamente o derivado desde xaneiro de 2022, en lugar de garantir que a marca e modelos seleccionados polos técnicos se entregasen e instalasen antes do inicio de curso 2022-2023?

2. Por que Plexus pode cambiar a marca e modelos seleccionados polos técnicos da AMTEGA, cando a marca recoñece ter capacidade de cumprir e entregar as mesmas e sobre todo por que se lle permite cambiar por unha marca propia creada en febreiro de 2022 posterior á sinatura e confirmación do acordo marco?

3. Por que Plexus ten que subcontratar e interpoñer a xestión a unha sociedade que se relaciona co entorno dunha persoa acusada de delito fiscal que carece de experiencia en pantallas educativas?

4. Por que se está consentindo o cambio da pantalla adxudicada cando a marca e modelo seleccionados se encontran vixentes e con plena capacidade de entrega e cumprimento e pese a que Plexus foi o terceiro máis caro das propostas presentadas, foi a adxudicataria en base a dita mostra vinculante Synetech, por obter a máxima puntuación en calidade e funcionalidade?

5. Tendo en conta que a marca Tafeltech, creada polo adxudicatario Plexus, está en trámite de rexistro en febreiro de 2022 e que se presentaron varios modelos, validouse e confirmouse que toda a documentación e certificados presentados das novas máquinas que cambiaron son correctos, orixinais e cumpren a normativa europea?





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

6. Para cando se compromete a AMTEGA a ter instaladas as pantallas educativas para os colexios e os alumnos e alumnas galegas?

Santiago de Compostela, 5 de setembro de 2022

Asdo.: **Daniel Castro García**

Manuel Lourenzo Sobral

Iago Tabarés Pérez-Piñeiro

Deputados do G.P. do BNG

Asinado dixitalmente por:

Iago Tabarés Pérez-Piñeiro na data 05/09/2022 13:52:38

Manuel Antonio Lourenzo Sobral na data 05/09/2022 13:52:41

Daniel Castro García na data 05/09/2022 13:52:50





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Manuel Lourenzo Sobral, Daniel Castro García e Mercedes Queixas Zas, deputados e deputada do **Grupo Parlamentar do Bloque Nacionalista Galego (BNG),** ao abeiro do disposto no Regulamento da Cámara, presentan a seguinte **Pregunta para resposta escrita,** sobre a situación da ensino público no concello de Covelo.

EXPOSICIÓN DE MOTIVOS

As familias do CEIP Antonio Blanco Rodríguez levan semanas amosando o seu malestar pola situación de deterioro do ensino público que se está a dar neste concello.

Tal e como as familias están a denunciar, e tal e como se pode comprobar na propia páxina web do centro, existe a intención de levar adiante un agrupamento en Educación Infantil entre os grupos de 3 anos e 5 anos. Un agrupamento que dadas as súas características terá unha incidencia directa na atención educativa das alumnas e alumnos.

A día de hoxe, no CEIP Antonio Blanco hai unha matrícula de 12 alumnas e alumnos en Educación infantil de 3 anos, unha matrícula de 17 alumnas en infantil de 4 anos e unha matrícula de 11 alumnos en infantil de 5 anos. Trátase a todas luces de matrícula máis que suficiente para manter grupos nos tres cursos de Educación Infantil, mais inexplicablemente, tal e como denuncian as familias, preténdese levar adiante un agrupamento entre o alumando de 3 anos e o de 5 anos dando como resultado un único agrupamento de 23 alumnos.

É evidente que alén das consideración normativas que serían de aplicación, non semella razoable un agrupamento entre estes dous niveis nun centro con estes datos de





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

matrícula. Trátase dun agrupamento onde se están a secundarizar outro tipo de intereses por riba dos intereses do alumnado e que de se levar adiante finalmente traerá consecuencias negativas para estes alumnos.

Por todo isto formúlanse as seguintes preguntas para resposta escrita:

1. Que medidas ten pensado adoptar o Goberno Galego para resolver os problemas que se están a dar co agrupamento de Educación Infantil no CEIP Antonio Blanco?
2. Vai a Consellaría de Educación resolver os problemas que se están a dar no CEIP Antonio Blanco de Covelo co agrupamento proposto e garantir que no curso 22/23 exista un grupo por cada curso de Educación Infantil?

Santiago de Compostela, 5 de setembro de 2022

Asdo.: **Manuel Lourenzo Sobral**

Mercedes Queixas Zas

Daniel Castro García

Deputada e deputados do G.P. do BNG

Asinado dixitalmente por:

Manuel Antonio Lourenzo Sobral na data 05/09/2022 17:17:07





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Daniel Castro García na data 05/09/2022 17:17:11

Mercedes Queixas Zas na data 05/09/2022 17:17:36



Á Mesa do Parlamento

Paloma Castro Rey, Noa Díaz Varela, Julio Torrado Quintela e Marina Ortega Otero, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O goberno da Xunta de Galicia ofertou un programa de formación dixital gratuíta dirixido a mulleres desempregadas das provincias de Lugo, Ourense e Pontevedra.

Trátase dun proxecto financiado pola Unión Europea con fondos Next Generation a través do Plan de Recuperación, Transformación e Resiliencia.

O programa ten como principal obxectivo mellorar as capacidades dixitais de mulleres en xeral, pero prioritariamente de mulleres desempregadas residentes en zonas rurais.

Con este proxecto preténdese ademais favorecer a capacidade de empregabilidade, impulsar o emprendemento e desenvolvemento rural e reducir a fenda de xénero.

Hai uns días tivemos coñecemento que na cidade de Pontevedra este curso está impartido por 2 profesores varóns o que nos causa un gran abraio e desconcerto xa que se trata dun curso que pretende empoderar ás mulleres e o único que denota é que este Goberno entende a igualdade coma un slogan sen ter coñecemento nin interiorizar realmente este concepto.

Dende o Grupo Socialista condenamos esta actitude da Xunta de Galicia e entendemos que existen mulleres capacitadas para poder axudar a outras a mellorar as súas capacidades dixitais e esiximos que dende a Consellería de Igualdade se apliquen por analoxía, as disposicións previstas no III Plan para a Igualdade de Xénero na Administración Xeral do Estado en relación ás medidas instrumentais para a transformación organizacional que recomendan a inclusión de cláusulas para o cumprimento do principio de igualdade de xénero en materia de contratación pública.



Asemade esiximos a este Goberno un compromiso real coa igualdade de xénero, como único motor de avance na nosa sociedade, en xeral, e na Administración pública, en particular.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Como valora este Goberno que un curso de formación dirixido a empoderar a mulleres mellorando o seu acceso ao mundo dixital estea dirixido unicamente por homes?
2. Fai este Goberno un seguimento do cumprimento do principio de igualdade no desenvolvemento dos cursos formativos subvencionados con fondos Next Generation a través do Plan de Recuperación, Transformación e Resiliencia?

Pazo do Parlamento, 5 de setembro do 2022

Asdo.: Paloma Castro Rey
Noa Díaz Varela
Julio Torrado Quintela
Marina Ortega Otero
Deputadas e deputado do G.P. dos Socialistas de Galicia

Asinado dixitalmente por:

Paloma Castro Rey na data 05/09/2022 17:03:21

Noa Susana Díaz Varela na data 05/09/2022 17:03:30

Julio Torrado Quintela na data 05/09/2022 17:03:44





PARLAMENTO DE GALICIA
REXISTRO XERAL ENTRADA
Data asento: 05/09/2022 17:21:15
Nº Rexistro: 40270
Data envío: 05/09/2022 17:21:15.952

Marina Ortega Otero na data 05/09/2022 17:03:54

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Mercedes Queixas Zas e Ramón Fernández Alfonzo, deputada e deputado do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

EXPOSICIÓN DE MOTIVOS

O DOG do 15 de xullo de 2022 publica o acordo do 16 de xuño de 2022, da Xefatura Territorial da Coruña, polo que se someten a información pública a solicitude de autorización administrativa previa, a autorización administrativa de construción, o estudo de impacto ambiental (EIA) e o proxecto sectorial (proxecto de interese autonómico-PIA) do proxecto de liña de alta tensión LAT 220 kV Gato-Mesón e subestación colectora Mesón 220/132 kV (expediente IN408A 2020/145).

Este proxecto, promovido por Greenalia Wind Power Gato, ten por obxecto construír a liña de alta tensión e mais a subestación eléctrica colectora para poder evacuar a enerxía eléctrica xerada polos sete parques eólicos proxectados no espazo xeográfico mencionado, actualmente en tramitación.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

A liña eléctrica de 220 Kv ten unha lonxitude total aproximada de 25.546,06 m e o seu trazado discorrerá polos concellos de Abegondo, Carral, Ordes e Oza-Cesuras.

No BNG, ao igual que diferentes colectivos e persoas a título particular, presentamos alegacións a este proxecto por varias razóns.

A primeira por entendermos que todos os parques eólicos mencionados están aínda en fase de tramitación, polo que ningún está autorizado. Todos foron tramitados de forma independente en lugar de forma conxunta para poder coñecer o alcance e o impacto real de toda a infraestrutura no seu conxunto. Fica ben explícito agora que forman un conxunto, polo que é necesario e obrigatorio por lei avaliar de forma conxunta ao tratarse de megaparques interconectados entre si, que comparten infraestruturas básicas para o seu funcionamento, polo que facer unha avaliación de forma individual de todos os parques, da liña de evacuación, conexión e a LAT constitúe unha nulidade de pleno dereito ao fragmentarse de forma fraudulenta o proxecto na súa totalidade.

A segunda, en consecuencia, por presentar un estudo de impacto ambiental incompleto ao ser parcial, individual, no canto de abranguer a totalidade do conxunto do espazo natural intervido.

Por todo isto formúlase a seguinte pregunta para resposta escrita:





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Vai aceptar o goberno galego as alegacións presentadas e proceder ao rexeitamento da solicitude de autorización administrativa previa, da autorización administrativa de construción, do estudo de impacto ambiental (EIA) e do proxecto sectorial do proxecto liña de alta tensión LAT 220 kV Gato-Mesón e subestación colectora Mesón 220/132 kV (expediente IN408A 2020/145)?

Santiago de Compostela, 5 de setembro de 2022

Asdo.: **Mercedes Queixas Zas**

Ramón Fernández Alfonzo

Deputada e deputado do G.P. do BNG

Asinado dixitalmente por:

Ramón Fernández Alfonzo na data 05/09/2022 18:31:05

Mercedes Queixas Zas na data 05/09/2022 18:31:08





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Iago Tabarés Pérez-Piñeiro e Luis Bará Torres, deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a continuación da autoestrada AG-31 ate a fronteira portuguesa.

EXPOSICIÓN DE MOTIVOS

O pasado 31 de agosto de 2022 representantes de diferentes institucións de Galiza e do Norte de Portugal asinaron unha comunicación na que, por consideralo de grande importancia para o desenvolvemento económico e social da euro-rexión Galiza-Norte de Portugal, solicitaban a mellora viaria entre IC/28/Arcos de Valdevez/Ponte da Barca coa fronteira portuguesa e desta con Celanova.

A referida comunicación dirixida a autoridades de ambos Estados estaba asinada por representantes das Cárteras Municipais de Melgaço, Ponte da Barca, Ponte da Lima, Viana do Castelo e da Deputación Provincial de Ourense e de Concellos como os de Vereia, Bande, Lobios, Lobeira, Entrimo, Calvos de Randín... Demanda que se unía á formulada no seu día por asociacións de empresarios e comerciantes de Ourense.

A ampliación da AG-31 entre Celanova e a fronteira con Portugal, prevista no seu día, permitiría reducir os tempos de conexión entre Ourense e importantes núcleos de poboación como Porto e Braga facilitando as posibilidades de influencia comercial, turística e industrial de Galiza, conformando un importante eixe vertebrador da Euro-rexión.

Malia a importante demanda social e institucional, a Xunta de Galiza ven amosando unha contumaz resistencia a terminación de tan importante infraestrutura para o desenvolvemento económico e social da Eurorrexión, especialmente necesaria para a





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

parte ourensán que ano tras ano vai perdendo poboación, servizos e tecido industrial, a pesares de contar con capacidades abundas para reverter a situación.

Por todo isto formúlanse as seguintes preguntas para resposta escrita:

Considera a Xunta de Galiza estruturante a conexión entre Celanova e a fronteira portuguesa?

Entende a Xunta de Galiza que o estado actual da rede viaria entre Celanova e a fronteira portuguesa facilita a conexión económica e social de Galiza con núcleos de poboación tan importantes como Porto ou Braga?

A continuación da AG-31 ate a fronteira portuguesa ou a construción dunha vía de alta capacidade ou prestacións constituiría un eixe vertebrador da eurorrexión Galiza -Norte de Portugal permitindo o desenvolvemento económico e social do territorio?

Que xestións realizou a Xunta de Galiza para obter fondos europeos que contribúan ao financiamento de tan demandada infraestrutura?

Que actuacións realizou a Xunta de Galiza en relación co proxecto de construción da AG-31 até a fronteira portuguesa ou dunha vía de análogas prestacións?

Santiago de Compostela, 6 de setembro de 2022

Asdo.: **Iago Tabarés Pérez-Piñeiro**

Luis Bará Torres

Deputados do G.P. do BNG





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Asinado dixitalmente por:

Xosé Luis Bará Torres na data 06/09/2022 11:50:55

Iago Tabarés Pérez-Piñeiro na data 06/09/2022 11:50:59





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Manuel Lourenzo Sobral, Daniel Castro García e Mercedes Queixas Zas, deputados e deputada do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a compatibilidade do Proxecto E-Dixgal e o fondo solidario de libros de texto.

EXPOSICIÓN DE MOTIVOS

O 18 de maio de 2022 publicouse a ORDE do 29 de abril de 2022 pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, educación secundaria obrigatoria e educación especial en centros docentes sostidos con fondos públicos para o curso escolar 2022/23.

Nesta orde establécense as circunstancias para participar no fondo solidario de libros de texto. Dende o momento da súa supresión, no BNG vimos reclamando a volta a gratuidade universal dos libros de texto por ser unha medida, alén de máis económica, máis beneficiosa para as familias.

Pero, a pesar disto, o contemplado na orde que regula o fondo solidario de libros de texto da Xunta, achega novos problemas para un curso escolar marcada por unha inflación sen precedentes que se traduce nunhas dificultades





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

económicas para unhas familias que están xa ao límite coa crise de prezos que padecemos.

No artigo 1.3 desta orde establécese o seguinte: O alumnado matriculado nos centros e cursos incluídos no proxecto educación dixital (E-DIXGAL) no curso 2022/23 está excluído da participación no fondo solidario de libros de texto e das axudas para adquirir libros de texto.

Trátase dunha medida a todas luces inxusta xa o que o que está a acontecer en moitos centros é que as materias que participan do proxecto E-DIXGAL son materias nas que xa non se viñan empregando libros de texto e, polo tanto, as familias teñen que seguir facendo fronte aos gastos de libros de texto na maioría das materias, co gasto que iso implica.

Con esta situación está a darse un paradoxo en moitos centros como o de que a Xunta forneza de ordenadores a familias que xa teñen e non os precisan e á súa vez negue libros de texto a familias que si os precisan.

Por todo isto formúlanse as seguintes preguntas para resposta escrita:

Que medidas ten pensado adoptar a Consellaría de Educación para corrixir os problemas que xenera o apartado 1.3 da orde do 29 de abril de 2022 na que se regula a participación no fondo solidario de libros de texto no relativo a súa compatibilidade con E-DIXGAL?

Ten pensado a Xunta de Galiza modificar a orde do 29 de abril de 2022 na que se regula a participación no fondo solidario de libros de texto para facer





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

compatíbel a participación en E-DIXGAL coa participación no fondo solidario de libros de texto?

Santiago de Compostela, 6 de setembro de 2022

Asdo.: **Manuel Lourenzo Sobral**

Mercedes Queixas Zas

Daniel Castro García

Deputada e deputados do G.P. do BNG

Asinado dixitalmente por:

Daniel Castro García na data 06/09/2022 12:50:27

Mercedes Queixas Zas na data 06/09/2022 12:50:32

Manuel Antonio Lourenzo Sobral na data 06/09/2022 12:50:42





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Olalla Rodil Fernández e Paulo Ríos Santomé, deputada e deputado do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre as medidas que debe impulsar a Xunta de Galiza diante das empresas concesionarias de transporte por estrada para garantir a equidade no custe das viaxes para o conxunto das galegas e galegos, especialmente a veciñanza de Lugo.

EXPOSICIÓN DE MOTIVOS

Nos últimos meses tanto o Goberno español como a Xunta de Galiza adoptaron medidas tendentes a reducir o prezo do transporte público, tanto tren como autobús, fronte á crise de prezos que atinxe o conxunto da poboación.

Neste senso e de maneira concreta, o Goberno galego aplicou unha minoración adicional e temporal nas tarifas bonificadas de aplicación no transporte público interurbano da competencia da Xunta o que supón unha bonificación do 50% nas liñas de autobús a través dos títulos multiviaxe. Pola súa banda e para facer fronte á rebaixa nos servizos ferroviarios de proximidade e media distancia aprobada polo Goberno español, algunhas compañías de autobuses decidiron aplicar os seus propios descontos mais apenas sobre algúns dos servizos.

Desta maneira e para exemplificar, mentres viaxar en bus entre Vigo e A Coruña terá un custe de 64 céntimos, o traxecto entre Lugo e Compostela (operado pola mesma empresa) será de case 5 euros (aplicando o desconto da Xunta sobre o custe dun billete sinxelo) o que supón un agravio comparativo cunha veciñanza que xa soporta un histórico déficit en materia de mobilidade e infraestruturas.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Temos que lembrar que Lugo leva décadas reclamando un tren do século XXI que non dá chegado (aínda se está a proceder á electrificación dunha parte da vía) e máis de vinte anos de agarda por unha autovía que conecte a cidade coa capital de Galiza, por apenas dous exemplos.

Desde o Grupo Parlamentar do Bloque Nacionalista Galego valoramos positivamente as medidas anunciadas para reducir o custe do billete de bus e de tren debe procurarse a equidade para o conxunto do territorio e non agravar a veciñanza e localidades que xa padecemos un déficit de infraestruturas que lastra as nosas oportunidades económicas e sociais.

Por todo isto formúlase a seguinte pregunta para resposta escrita:

Que medidas vai adoptar a Xunta de Galiza para garantir a equidade no custe das viaxes para o conxunto das galegas e galegos?

Santiago de Compostela, 6 de setembro de 2022

Asdo.: **Olalla Rodil Fernández**

Paulo Ríos Santomé

Deputada e deputado do G.P. do BNG

Asinado dixitalmente por:

Olalla Rodil Fernández na data 06/09/2022 13:45:46





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Paulo Ríos Santomé na data 06/09/2022 13:45:49



Á Mesa do Parlamento

Noa Díaz Varela e Noelia Otero Lago, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O 30 de agosto de 2022 publicábase no Diario Oficial de Galicia a resolución da Dirección Xeral de Planificación Enerxética e Recursos Naturais que outorga a autorización administrativa de construción da infraestrutura de transporte de enerxía eléctrica denominada LAT 220 kV DC Lousame-Tivo, que discorre polos termos municipais de Lousame, Rois, Brión, Teo e Padrón (A Coruña) e Pontecesures, A Estrada, Valga, Cuntis e Caldas de Reis (Pontevedra) e promove Red Eléctrica de España, S.A.U. (expediente IN407A 2010/268-1).

O trazado desa liña xa foi tratado nesta lexislatura en sesión parlamentaria a iniciativa do Grupo Socialista, que se facía eco da inqueda da veciñanza da zona por ver perigar o inxente patrimonio cultural que alí se atesoura e tras unha Declaración de Impacto Ambiental favorable e un informe patrimonial positivo. Lembremos que o trazado afecta directamente o Castro Lupario, a aldea de Angueira de Castro, o Pazo de Faramello, os núcleos de Faramello e Francos, a ponte sobre o río Tinto, a carballeira de Francos e varios petróglifos.

Esa inqueda mostrárona tamén a Asociación Galega de Amigos do Camiño de Santiago -por aí transcorre o Camiño Portugués-, o propio Concello de Rois gobernado polo Partido Popular, a Valedora do Pobo ou máis recentemente o Consello da Cultura Galega, que realizou un informe demoledor desaconsellando o trazado planificado.

Con estes antecedentes, non parece procedente que a Xunta de Galicia, que leva máis dunha década con este asunto sobre a mesa, dea luz verde a un proxecto deste calado e cunha gran contestación pública no mes de agosto nun exercicio vergoñento de opacidade namentres a cidadanía agardaba que o Goberno galego estivese traballando nunha solución para desenvolver a infraestrutura enerxética á vez que protexer o noso patrimonio cultural e natural.

Lonxe diso, a Xunta de Galicia optou pola pasividade e a inacción, exceptuando un ‘informe fantasma’ seica realizado por unha “persoa experta de orde internacional” (sic) cuxo contido este grupo parlamentario descoñece a pesar de telo reclamado.



Diante dos novos acontecementos, que mostran o máis absoluto desleixo polo patrimonio cultural galego e dan conta dunha opacidade que só responde ao temor a enfrontarse directamente cos problemas, as deputadas que asinan solicitan en resposta escrita contestación ás seguintes preguntas:

1ª. Realizou a Xunta de Galicia nestes últimos anos algún tipo de negociación para buscar unha solución axeitada ao trazado da LAT Lousame-Tivo que non dane o patrimonio cultural e natural de excepcional valor no concello de Rois tal e como aconsellan entre outros o Consello da Cultura Galega?

2ª. Suxeriulle o Goberno galego á empresa promotora ao longo destes anos algún outro trazado alternativo ao finalmente aprobado?

3ª. Recoñece a Xunta de Galicia que errou na valoración primeira da afectación ambiental e ao patrimonio cultural? Considerou o Goberno galego realizar outro informe máis exhaustivo?

4ª. Que opinión lle merece ao Goberno galego o demoledor informe realizado polo Consello da Cultura Galega que desaconsella, con argumentos científicos sólidos, o trazado actual da liña?

5ª. Cal é a identidade do “experto internacional” que realizou o último informe de valoración que a directora xeral de Patrimonio Cultural resume en tres parágrafos na documentación remitida ao Grupo Socialista ao abeiro do artigo 9? Por que non se nos remitiu o informe orixinal dese experto?

6ª. Cal é a razón de publicar en pleno mes de agosto a autorización administrativa de construción? Considera o Goberno galego que así contribúe á normalidade democrática que obriga á transparencia da acción política?

7ª. Foi a planificación desta LAT a causa de non declarar BIC Castro Lupario?

Pazo do Parlamento, 6 de setembro de 2022

Asinado dixitalmente por:

Noa Susana Díaz Varela na data 06/09/2022 16:17:14

Noelia Otero Lago na data 06/09/2022 16:17:34



Á Mesa do Parlamento

Paloma Castro Rey, Julio Torrado Quintela e Marina Ortega Otero, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O último concurso público que sacou a xerencia da área sanitaria Pontevedra-Salnés foi totalmente deficitario como denunciou no seu día o Grupo Socialista.

Un contrato que se sacou a licitación por 19 millóns de euros a 3 anos e 2 máis de prórroga con 7 ambulancias menos que o anterior concurso.

As consecuencias destes recortes do Sergas son meses de servizo insuficiente xa que non se cobren as baixas, vacacións ou días libres o que implica que moitos días as ambulancias do CHOP non estean operativas para traslados por falta de técnicos/as.

O pasado sábado 13 de agosto, día da festa da Peregrina, con máis de 100.000 persoas na comarca de Pontevedra, nun había ningunha UVI operativa, xa que non había técnico para cubrir esta quenda.

A maiores disto os/as traballadores/as da empresa denuncian o incumprimento da acta firmada tras a folga o 31 de marzo deste ano, onde se recollía o compromiso de mellorar as deficiencias existentes en estado dos vehículos, uniformes, taquillas, duchas, prevención de riscos, antigüidade dos contratos e contratación.

Dende o Grupo Socialista entendemos que a Xunta e en concreto o Sergas é o único responsable do deterioro deste servizo ao establecer unhas condicións paupérrimas neste prego de contratación, demostrando que non lle importa nin as condicións laborais dos profesionais, nin a seguridade ou atención sanitaria dos/as doentes.



Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Entende este Goberno que o servizo de ambulancias da área sanitaria Pontevedra-Salnés está a funcionar de forma axeitada?
2. Ante a situación existente, ten previsto este goberno, sacar unha nova licitación mellorando as condicións económicas do anterior?
3. Como xustifica que o día das festas da Peregrina con máis de 100.000 persoas na comarca de Pontevedra, nun houbera ningunha UVI operativa, xa que non había técnico para cubrir esta quenda?

Pazo do Parlamento, 6 de setembro do 2022

Asdo.: Paloma Castro Rey
Julio Torrado Quintela
Marina Ortega Otero
Deputadas e deputado do G.P. dos Socialistas de Galicia

Asinado dixitalmente por:

Paloma Castro Rey na data 06/09/2022 18:35:36

Julio Torrado Quintela na data 06/09/2022 18:35:44

Marina Ortega Otero na data 06/09/2022 18:35:53



Á Mesa do Parlamento

Julio Torrado Quintela e Patricia Otero Rodríguez, deputado e deputada pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

É un feito obvio e perfectamente coñecido que a produción marisqueira da ría de Arousa, a mellor do mundo neste aspecto, vén amosando un descenso demoledor na última década e acentúase nos últimos anos. Neste 2022 varios conxuntos de colectivos dependentes da actividade marisqueira (confrarías, mariscadoras, bateeiros e grupos ecoloxistas) alertaron dunha baixada xeral en todas as especies, que pode superar o 70 % nalgúns delas como ameixa ou berberecho.

Ante este escenario, os colectivos dependentes do mar demandaron medidas de rexeneración da ría e o afrontamento serio e decidido por parte do Goberno de Galicia, a través da Consellería do Mar, para estudar con profundidade e ser quen de saber o que realmente está a ocorrer. Durante os últimos anos estes colectivos veñen apuntando á necesidade de rexenerar os espazos de marisqueo, proponendo dragaxes da ría para solucionar os problemas derivados da acumulación de area na saída do río e modificar as correntes que prexudican ás especies.

Máis alá destas propostas, non existen tampouco explicacións nítidas por parte da Consellería do Mar que permitan ter unha posición de referencia para coñecer as medidas necesarias e poder afrontar solucións con garantías. O Parlamento de Galicia ten sido sede de numerosos debates a preguntas e propostas da oposición sobre estas cuestións, nos que o Goberno manifesta a súa percepción de satisfactorio rendemento das rías galegas e, especialmente, no caso da ría de Arousa. Esta inconsistencia entre o que apunta o sector dependente do marisqueo e o Goberno de Galicia dificulta a posibilidade de encarar as necesidades para a mellora dunha produción que hoxe sitúase en niveis que poñen en perigo a continuidade da actividade.

Por todo o exposto, o deputado e a deputada que asinan formulan as seguintes preguntas para a súa resposta escrita:

1. Que razóns considera determinantes o goberno de Galicia para explicar a baixada de produción marisqueira da ría de Arousa?



2. Considera o Goberno de Galicia aceptable a baixada detectada nesta produción no ano 2022?
3. Ten previsto o Goberno de Galicia realizar un estudo profundo sobre as causas desta caída da produción marisqueira?
4. Valora o Goberno de Galicia afrontar un Plan de Recuperación da Produción Marisqueira da ría de Arousa?

Pazo do Parlamento, 7 de setembro do 2022

Asdo.: Julio Torrado Quintela

Patricia Otero Rodríguez

Deputado e deputada do G.P. dos Socialistas de Galicia

Asinado dixitalmente por:

Julio Torrado Quintela na data 07/09/2022 11:24:05

Patricia Otero Rodríguez na data 07/09/2022 11:24:12



Á Mesa do Parlamento

Noelia Otero Lago e Noa Díaz Varela, deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O presidente do PP, Alberto Núñez Feijóo vén de reclamar ao Goberno do Estado a ampliación do fondo estatal para a axuda na compra de libros de texto ata os 100 millóns. Un suposto interese polas familias que afrontan un difícil inicio de curso que choca de maneira frontal coas políticas que vén aplicando o PP ao fronte da Xunta de Galicia nestes últimos anos. Cómpre lembrar, que no ano 2009 coa chegada do señor Feijóo á Presidencia da Xunta de Galicia decidiu acabar co sistema de préstamo universal de libros de texto que viña funcionando tras ser implantado polo goberno presidido polo socialista Emilio Pérez Touriño.

Dende aquela e tal e como o PSdeG vén denunciando de xeito incansable, as familias galegas padecen un sistema de axudas parciais aplicado polo PP ineficaz e insuficiente e rexeitado tamén por ANPA, sindicatos e comunidade educativa e que nestes anos mesmo obrigou xunto á colaboración dos concellos a organizar e achegar fondos ao banco solidario para tratar de aumentar os préstamos e compensar o desleixo da Xunta de Galicia estes anos coas familias. Nun contexto económico especialmente delicado, o PSdeG insiste na súa demanda de recuperar de inmediato a gratuidade universal dos libros de texto necesarios para este novo curso que se inicia.

Resulta inaceptable a hipocrisía constante do PP neste contexto de crise de reclamar máis fondos ao Estado cando na nosa comunidade e contando coas competencias o PPdeG ao fronte da Xunta de Galicia mantén un sistema inxusto que non é eficiente economicamente e que por enriba de todo non cubre as necesidades da totalidade das familias galegas.

A educación é un dereito básico e tal e como recolle a Constitución “*gratuíto*” pero en Galicia esta máxima non é unha realidade cando o gasto en libros e material supón un esforzo económico elevadísimo e en moitos casos inasimilable.



Por todo o exposto, as deputadas que asinan formulan a seguinte pregunta para a súa resposta escrita:

Considera que o sistema de axudas actual que veñen mantendo dende o ano 2009 cubre as necesidades das familias galegas en canto a adquisición de libros de texto e material?

Pazo do Parlamento, 7 de setembro do 2022

Asdo.: Noelia Otero Lago

Noa Díaz Varela

Deputadas do G.P. dos Socialistas de Galicia

Asinado dixitalmente por:

Noelia Otero Lago na data 07/09/2022 11:20:30

Noa Susana Díaz Varela na data 07/09/2022 11:20:38





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Rosana Pérez Fernández, Montserrat Prado Cores, Carme González Iglesias e Daniel Castro García, deputadas e deputado do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

EXPOSICIÓN DE MOTIVOS:

Apenas transcorridos uns días da estabilización dos graves lumes que o pasado mes de agosto queimaran máis de 2.200 hectáreas, segundo datos oficiais, na comarca da Barbanza, os e as representantes das distintas confrarías e agrupacións de mariscadoras do norte da ría de Arousa fixeron público o seu temor polas posíbeis consecuencias dos mesmos sobre a ría e os bancos marisqueiros se se producían choivas.

Esta preocupación, xunto con outras demandas, foi trasladada directamente ao conselleiro de Medio Rural por parte dos alcaldes da Mancomunidade de Concellos de Arousa Norte nunha reunión mantida o 17 de agosto.

Ao tempo, fíxose público que Augas de Galiza traballaba xa na inspección de distintos puntos afectados en coordinación coa Consellería de Medio Rural a través do Centro de Investigacións Forestais de Lourizán, para tratar de previr posíbeis arrastres de cinzas ás canles fluviais e coñecía-se que se estaban a deseñar barreiras de contención aproveitando a propia madeira existente nas ribeiras dos cauces fluviais afectados e que se procedería á instalación de pacas de palla seca no terreo máis erosionado e “nos puntos máis sensíbeis”.

Os técnicos dese Centro de Investigación que estiveron presentes na reunión entre o conselleiro de Medio Rural e os alcaldes de Arousa Norte, puxeron de manifesto





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

que a afectación dos solos era “baixa e só moderada nalgúns puntos concretos” e que se estaban a avaliar medidas paliativas, a maiores das que xa se estaban a executar de xeito urxente. E mesmo o propio conselleiro asegurou que estaban “a estudar todas as medidas a levar a cabo para evitar problemas nos bancos marisqueiros”.

Finalmente, as choivas dos últimos días confirmaron os peores presaxios e os restos dos incendios chegaron xa á ría de Arousa a través, principalmente, dos ríos Pedras, na Pobra do Caramiñal, e Coroño, en Boiro.

Nestes momentos aínda non se coñece o verdadeiro alcance deses arrastres nin os danos exactos dos mesmos na ría e nos bancos marisqueiros, mais a preocupación aumenta pola previsión de que continúen as choivas.

Segundo vén de transcender no día de hoxe, as primeiras avaliacións evidencian -máis unha vez- as contradicións entre as versións da Xunta de Galiza e o propio sector do mar. A primeira, achaca a turbidez da auga á terra e sedimentos arrastrados coas choivas e, o segundo, ás cinzas.

Nun caso ou noutro, aínda sen teren rematado as choivas e malia ás informacións oficiais, de novo volven xurdir dúbidas sobre a actuación da Xunta de Galiza no que se refire ás medidas de prevención de arrastre de cinzas aos cauces fluviais e á ría de Arousa.

Por todo isto fórmulanse as seguintes preguntas para resposta escrita:

- Que valoración fai a Xunta de Galiza das consecuencias do arrastre de cinzas, terra, sedimentos, ou outros materiais aos cauces fluviais afectados polos lumes do mes de agosto na comarca da Barbanza, á ría de Arousa e aos seus bancos marisqueiros?- Que medidas de contención se levaron a cabo para tratar de evitar os arrastres de cinzas?





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

- En que puntos da serra da Barbanza se aplicaron exactamente?
- Considera o Goberno galego que foron as suficientes?
- Ten previsto poñer en marcha medidas económicas que palíen as posíbeis perdas do sector do mar na ría de Arousa como consecuencias dos lumes do mes de agosto e os arrastres das choivas dos últimos días?

Santiago de Compostela, 7 de setembro de 2022

Asdo.: **Rosana Pérez Fernández**

Montserrat Prado Cores

Carme González Iglesias

Daniel Castro García

Deputadas e deputado do G.P. do BNG

Asinado dixitalmente por:

Rosana Pérez Fernández na data 07/09/2022 12:20:25

María do Carme González Iglesias na data 07/09/2022 12:20:35

María Montserrat Prado Cores na data 07/09/2022 12:20:48

Daniel Castro García na data 07/09/2022 12:20:58



Á Mesa do Parlamento

Noelia Otero Lago, Carmen Rodríguez Dacosta, Julio Torrado Quintela e Marina Ortega Otero, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

En outubro do pasado ano 2021 o sindicato UGT presentaba un estudo sobre a situación das persoas LGTBI no traballo. No mesmo recollía que o 96 % das persoas LGTBI en Galicia, o 90 % no Estado, consideran un inconveniente esta condición á hora de encontrar traballo. Tamén amosaba un dato demoledor, o 91 % na nosa Comunidade Autónoma considera necesario ocultar a súa orientación sexual e seis de cada dez traballadores en Galicia teñen vivido algunha agresión, dende comentarios de carácter despectivo, xestos ou agresións físicas.

É importante resaltar que Galicia se atopaba hai un ano entre as tres comunidades onde a percepción da discriminación é máis alta, e sobre estes índices estima este grupo parlamentario que o Goberno galego vese na obriga de actuar con premura e neste sentido presentamos diversas iniciativas. En resposta a algunha delas, a conselleira de Igualdade asegurou no mes de decembro en Pleno que se estaba a elaborar un estudo sobre a realidade laboral das persoas LGTBI na nosa comunidade que vería a luz nos primeiros meses de 2022.

No mes de xuño, na xuntanza do Observatorio Galego contra a Discriminación por Orientación Sexual e Identidade de Xénero novamente se trasladou e informou sobre a elaboración dese estudo por parte da Xunta Segundo a conselleira, as conclusións do mesmo son arredor das que se poderá valorar a posta en marcha de medidas desde as diferentes administracións, en colaboración co tecido empresarial, co fin de favorecer a igualdade de oportunidades laborais tal e como demandamos desde o PSdeG.

Neste inicio de curso político e pasado o verán, chegamos ao último trimestre do ano sen coñecer os resultados desde estudo e en consecuencia non se ten dado nin un paso para mellorar a realidade das persoas LGTBI no ámbito laboral.



Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Cando vai estar listo o estudo anunciado pola conselleira de Igualdade sobre as persoas LGTBI no ámbito laboral?
2. A que se debe o atraso na súa elaboración tendo en conta que se anunciaba para os primeiros meses de 2022?

Pazo do Parlamento, 7 de setembro do 2022

Asdo.: Noelia Otero Lago
Carmen Rodríguez Dacosta
Julio Torrado Quintela
Marina Ortega Otero
Deputadas e deputado do G.P. dos Socialistas de Galicia

Asinado dixitalmente por:

Noelia Otero Lago na data 07/09/2022 13:51:26

María del Carmen Rodríguez Dacosta na data 07/09/2022 13:51:34

Julio Torrado Quintela na data 07/09/2022 13:51:44

Marina Ortega Otero na data 07/09/2022 13:51:52



Á Mesa do Parlamento

Noelia Otero Lago, Noa Díaz Varela, Julio Torrado Quintela e Marina Ortega Otero, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta para a súa resposta por escrito**.

A iniciativa de pintar coas bandeiras arco da vella os letreiros de entrada na cidade de Santiago de Compostela púxose en marcha no mes de xuño para mostrar á cidade como un espazo libre de LGTBIQfobia, medida apoiada no Pleno municipal por todos os grupos con representación: PSOE, PP, BNG e Compostela Aberta.

En canto se levou á práctica primeiro apareceu vandalizado e pintado de vermello e amarelo un dos letreiros co nome de Santiago na entrada á cidade no barrio de San Lázaro, e pouco máis dun mes despois repetiuse o episodio no acceso á capital galega a través do barrio de Santa Marta.

Estes exemplos amosan a lamentable persistencia de actitudes e manifestacións LGTBIfóbicas nas nosas rúas. Afortunadamente neste caso falamos de danos materiais e non humanos, pero cómpre lembrar que nos últimos meses deste ano son moitos os episodios de agresións denunciados arredor de todo o país.

Exemplos como o acontecido o domingo día 1 de maio pola noite cando un mozo denunciou ter sido golpeado e acosado ao berro de “maricón de merda” en Ribadavia á saída dun local. Poucos días antes na cidade de Ourense foron outras dúas as agresións homófobas denunciadas, o 8 de abril un grupo de música valenciano denunciou o 8 de abril nas súas redes sociais a agresión sufrida por un dos seus integrantes, ao que aseguran rompéronlle o nariz e deixaron inconsciente e poucos días despois, outro mozo á saída dunha discoteca na rúa Arturo Pérez Serantes foi agredido noutro incidente con tintes homófobos e que precisou de atención médica e foi denunciado ante a Policía Nacional. Tamén na cidade de Vigo a Policía Nacional de Vigo abriu investigación por outro presunto ataque homófobo sufrido durante a Semana Santa a dous mozos de 22 e 23 anos cando se estaban a bicar nun banco da Praza de Portugal na contorna de Churruca.

Neste contexto, este grupo parlamentario volve a insistir na necesidade de que a Xunta de Galicia desenvolva todas as ferramentas a súa disposición para loitar



contra a LGTBIfobia e avanzar na igualdade e a non discriminación das persoas LGTBI na nosa comunidade.

As agresións LGTBIfóbicas non deixan de aumentar no conxunto do Estado e tamén en Galicia. Os datos dos observatorios contra a homofobia en Madrid, Cataluña ou no da Coruña, ante a falta de actividade e datos do Observatorio galego, reflicten tamén un aumento do número de incidentes e todo indica que se trata dunha constante en toda a nosa xeografía, sen excepción. Estas actitudes violentas, que causan un gran sufrimento ás vítimas e que, en moitos casos, nin se chegan a denunciar, están alentadas e precedidas polos discursos de odio, especialmente cando estes institucionalízanse ou normalízan no ámbito público.

Entre as medidas trasladadas temos solicitado en diversas iniciativas que dotasen de contido e actividade ao Observatorio Galego contra a Discriminación aprobado no 2018 e que non tivo apenas actividade, este ano unicamente unha xuntanza a finais do mes de xuño. Tamén temos solicitado que desenvolvan a Lei 2/2014, do 14 de abril, aumentar a dotación orzamentaria na actualidade raquítica para soste aos colectivos que traballan pola igualdade e a non discriminación das persoas LGTBI, pero lamentablemente todas elas contan co muro do voto en contra do Grupo Popular. Cómpre pasar das boas palabras aos feitos.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Que valoración fai o Goberno galego do goteo constante de casos e agresións de odio contra as persoas ou manifestacións de igualdade LGTBI na nosa comunidade?
2. Que ten feito estes meses para paliar o aumento destes delitos e actitudes LGTBIfóbicas na comunidade?
3. Teñen pensado aumentar o investimento económico para os colectivos que traballan pola igualdade LGTBI nos vindeiros orzamentos 2023?
4. Considera satisfactorio organizar unha sola xuntanza do Observatorio galego en todo o que levamos de ano?

Pazo do Parlamento, 7 de setembro do 2022



Asinado dixitalmente por:

Noelia Otero Lago na data 07/09/2022 13:57:13

Noa Susana Díaz Varela na data 07/09/2022 13:57:21

Julio Torrado Quintela na data 07/09/2022 13:57:33

Marina Ortega Otero na data 07/09/2022 13:57:43





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Xosé Luis Rivas Cruz, Carmen Aira Díaz e Maria González Albert, deputado e deputadas do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

EXPOSICIÓN DE MOTIVOS

O Real Decreto 428/2022 polo que se establecen as bases reguladoras para a concesión directa de axudas excepcionais de adaptación para compensar as dificultades económicas derivadas da guerra de Ucraína en determinados sectores agrarios, constitúe a proba manifesta do descoñecemento da realidade do noso agro e das características e singularidades do noso tecido produtivo baseado en pequenas granxas familiares de produción de carne en réxime extensivo, tanto de vacún como de ovino e cabrún.

A orde pola que se estableceron as bases reguladoras para a concesión directa dunha axuda excepcional de adaptación para compensar as dificultades económicas derivadas do conflito bélico na Ucraína en determinados sectores agrarios, constitúe un compendio de erros e discriminacións do vacún, ovino e cabrún de Galicia, xa que a meirande parte das granxas afectadas son pequenas e medianas, cunha orientación produtiva mixta, na que se combina a cría de becerros co mantemento das vacas nutrices na granxa.

Excluír o cobro da axuda polos becerros e recoñecer só o cobro polas nais é unha maneira de penalizar un xeito de vida sostible dende un punto de vista ambiental, social e económico que só conduce ao empeoramento da situación de abandono do medio





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

rural. É unha mostra máis de que o Ministerio de Agricultura non ten en conta a realidade das granxas de vacún no norte peninsular, e en especial as galegas. É fundamente preocupante o presunto descoñecemento do sector que semella ter o Ministerio, que considera o cebo de tenreiros neste tipo de granxas como unha actividade complementaria á da vaca nodriza.

Vexamos:

RD 428/2022 de 7 de xuño

Artículo 3. Beneficiarios.

1. Serán beneficiarios de esta ayuda los productores de vacuno de carne y los productores de ovino y caprino de carne que:

a) Hayan presentado en el año 2022 la solicitud única prevista en el Real Decreto 1075/2014, de 19 de diciembre.

b) Sean titulares, a fecha de presentación de la solicitud única correspondiente al año 2022, de explotaciones inscritas y que consten en alta en el Registro general de explotaciones ganaderas (REGA) con el tipo de explotación «Producción y reproducción» o tipo «Pasto». En el primer caso a nivel subexplotación deberán estar clasificadas como explotaciones de bovino, ovino o caprino con una clasificación zootécnica de «reproducción para producción de carne» o «reproducción para producción mixta» o explotaciones de bovino con una clasificación de «cebo o cebadero».

c) En el caso de ser productores de ovino y caprino, no cuenten con declaraciones de entregas o de ventas directas registradas en el Sistema Unificado de Información Láctea (INFOLAC) durante el año 2021 para la especie objeto de ayuda.





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

d) Hayan solicitado en el año 2021, y cuentan con animales determinados para percibirla, alguna ayuda asociada de las previstas en la sección 2.ª, en las líneas c) y d) del apartado 3 del artículo 63 de la sección 3.ª y en las secciones 5.ª, 6.ª, 8.ª y 9.ª todas ellas del capítulo II del título IV del Real Decreto 1075/2014, de 19 de diciembre.

Nesta liña d) referida aos produtores e produtoras que perciben pagos directos da PAC soamente se inclúen os contemplados nas liñas c) e máis d) do apartado 3 do artigo 63 da sección 3ª do Real Decreto 1075/2014 de 19 de decembro que regula estes pagos quedando por tanto excluídos os das liñas a) e b).

-Quen son logo os produtores e produtoras contemplados nas liñas a) e máis b) do apartado 3 do artigo 63 da sección 3ª do Real Decreto 1075/2014 de 19 de decembro que por omisión quedan excluídos?

Real Decreto 1075/2014 de pagos directos da PAC:

Sección 3.ª Ayuda asociada para las explotaciones de vacuno de cebo

Artículo 63. Objeto, ámbito de aplicación y dotación presupuestaria.

1. Se concederá una ayuda asociada a los titulares de explotaciones dedicadas a la actividad de cebo de ganado vacuno al objeto de garantizar la viabilidad económica de estas explotaciones.

2. La dotación presupuestaria total que se destinará cada año a esta medida será la que se recoge para cada línea de ayuda en el anexo II de este real decreto, y se empleará anualmente teniendo en cuenta lo establecido en el artículo 59.

3. Dentro de esta ayuda asociada se establecen las siguientes líneas de ayuda:





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

a) terneros cebados en la misma explotación de nacimiento o en cebaderos comunitarios gestionados por productores de vaca nodriza en la región España peninsular.

b) terneros cebados en la misma explotación de nacimiento o en cebaderos comunitarios gestionados por productores de vaca nodriza en la región insular.

c) terneros cebados procedentes de otra explotación en la región peninsular.

d) terneros cebados procedentes de otra explotación en la región insular.

E velaí como deste xeito tan sutil exclúen das axudas ós becerros de carne das explotación extensivas de cebo tradicional.

E velaí tamén coma unha vez máis todas as directrices comunitarias referentes á especial protección, dinamización e apoio ás pequenas e medianas explotacións familiares, á gandería extensiva, á xestión do territorio, á fixación de poboación, á prevención dos lumes, á sustentabilidade da actividade gandeira... todo iso queda en nada e tradúcese nun intencionado apoio aos cebadoiros e á gandería intensiva de corte industrial.

Dentro da IXP “Ternera Gallega” temos arredor de 8.000 granxas que ceban os seus propios xatos, e que por unha interpretación totalmente errónea por parte do Ministerio quedan fóra desta axuda. Esixímoslle ó Ministerio de Agricultura que de xeito inmediato corrixa o artigo 3 do RD 428/2022, e inclúa como beneficiarios da axuda por vacún de cebo os tenreiros nados na propia explotación como se recolle nos puntos a) e b) do artigo 63 da lexislación da PAC, eliminados durante a redacción do RD428/2022”.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Por todo isto formúlanse as seguintes preguntas para resposta escrita:

-Que opinión lle merece ao goberno galego o RD 428/2022 de 7 de xuño que desenvolve o Plan Nacional de Resposta ás Consecuencias Económicas e sociais da guerra de Ucraína (RD-Lei 6/2022)?

-Que opina da exclusión dos tenreiros das explotacións extensivas de cebo tradicional?

Santiago de Compostela, 7 de setembro de 2022

Asdo.: **Xosé Luis Rivas Cruz**

Maria González Albert

Carmen Aira Díaz

Deputadas e deputado do G.P. do BNG

Asinado dixitalmente por:

María González Albert na data 07/09/2022 16:29:11

María del Carmen Aira Díaz na data 07/09/2022 16:29:14





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Xosé Luis Rivas Cruz na data 07/09/2022 16:29:24





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Xosé Luis Rivas Cruz, Carmen Aira Díaz e Maria González Albert, deputado e deputada do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

EXPOSICIÓN DE MOTIVOS

A 31 de agosto do presente ano, o presidente da Xunta de Galicia anunciou que o seu goberno vai mobilizar máis de 17millóns de euros en axudas directas ó sector da carne de Galicia diante a difícil situación que atravesa agravada pola guerra en Ucraína. Estas axudas son complementarias das comprometidas en xuño polo Ministerio cun montante de 11,8ME.

O RD 428/2022 polo que se establecen as bases reguladoras para a concesión directa de axudas excepcionais de adaptación para compensar as dificultades económicas derivadas da guerra de Ucraína en determinados sectores agrarios, constitúe a proba manifesta do descoñecemento da realidade do noso agro e das características e singularidades do noso tecido produtivo baseado en pequenas granxas familiares de produción de carne en réxime extensivo, tanto de vacún como de ovino e cabrún.

A orde pola que se estableceron as bases reguladoras para a concesión directa dunha axuda excepcional de adaptación para compensar as dificultades económicas derivadas do conflito bélico na Ucraína en determinados sectores agrarios, constitúe un compendio de erros e discriminacións do vacún, ovino e cabrún, xa que a meirande parte das granxas afectadas son pequenas e medianas, cunha orientación produtiva





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

mixta, na que se combina a cría de becerros co mantemento das vacas nutrices na granxa.

Excluír o cobro da axuda polos becerros e recoñecer só o cobro polas nais é unha forma de penalizar un xeito de vida sostible dende un punto de vista ambiental, social e económico, que só conduce ao empeoramento da situación de abandono do medio rural. É unha mostra máis de que o Ministerio de Agricultura non ten en conta a realidade das granxas de vacún no norte peninsular, e en especial as galegas. É fondamente preocupante o presunto descoñecemento do sector que semella ter o Ministerio, que considera o cebo de tenreiros neste tipo de granxas como unha actividade complementaria á da vaca nodriza.

Dentro da IXP “Ternera Gallega” temos arredor de 8.000 granxas que ceban os seus propios xatos, e que por unha interpretación totalmente errónea por parte do Ministerio quedan fóra desta axuda. Esixímoslle no seu momento ó Ministerio de Agricultura que de xeito inmediato corrixa o artigo 3 do RD 428/2022, e inclúa como beneficiarios da axuda por vacún de cebo os tenreiros nados na propia explotación como se recolle nos puntos a) e b) do artigo 63 da lexislación da PAC, eliminados durante a redacción do RD428/2022”.

Se se aplicara correctamente o RD 428/2022, no caso do vacún de carne o 48% das granxas beneficiarias (4.732) serían as que dispoñen de menos de 10 vacas nutrices. Estamos pois, diante dun novo desvío de cartos públicos cara a agroindustria en detrimento das pequenas e medianas granxas.

Este desleixo a nivel estatal vese empeorado aínda máis por mor da mediocre dirección da Consellaría do Medio Rural da Xunta de Galicia, que está a publicar listaxes de persoas beneficiarias nas cales se detectan continuos erros, moi chamativos en cuestións como as persoas novas solicitantes PAC ou relevos xeracionais.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

No caso do RD428/2022 outra vez temos este problema. Desta volta a Consellería de Medio Rural non elaborou as listaxes seguindo o criterio marcado polo RD, é dicir, 125 vacas nodrizas incluída a porcentaxe de xovencas previsto no RD1075/2014; nin aplicaron a posibilidade de fixar un mínimo subvencionable, en especial para o ovino, e que deixa fóra a moitas granxas mixtas do país.

Unha gran parte das granxas do país son de carácter cárnico mixto -vacún, ovino, cabrún, cabalar, porcino...-, polo que a aplicación de normas estatais debería ser acorde a esta realidade galega. A utilización combinada destas especies proporciona un valor engadido no mantemento das superficies agrarias, nomeadamente nas zonas de montaña, polo que as granxas cárnicas mixtas “deberían ser un dos eixos a potenciar pola Administración galega, máis nestes días de intensos lumes en toda a nosa comunidade.

O sector gandeiro galego supón un 54% da produción final agraria (PFA) fronte ao 17,5% da media no estado español, segundo o anuario da agricultura familiar en España no 2020, o que nos dá unha idea da importancia do sector primario na nosa economía. Os cinco sub-sectores gandeiros máis importantes despois do lácteo son: o bovino de carne, o avícola, o porcino, o cunícola e o ovino e cabrún. Galiza aportou en 2.018 un 11% da produción de carne de vacún dentro do estado español.

Por todo isto fórmulanse as seguintes preguntas para resposta escrita:

- Cal é a valoración que fai o goberno galego da función ecosistémica e de xestión do territorio que día a día fan as pequenas e medianas explotacións cárnicas en extensivo?
- Como valora a exclusión que no RD 428/2022 se fai dos becerros nados e cebados na mesma explotación?





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

-- Como valora a necesidade de establecer un pago ecosistémico que dea pulo e fortaleza á existencia de pequenas e medianas explotacións gandeiras en territorios de montaña que manteñen superficies agrarias e que representan actividades preventivas na loita contra do lume?

-- Pensa o goberno galego seguir o mesmo criterio errado do RD 428/2022 e excluír das axudas prometidas polo presidente da Xunta os xatos de cebo criados nas propias explotacións de orixe?

-- Pensa continuar coas políticas de axuda e protección dos cebadeiros e explotacións de carne industriais e discriminando as pequenas e medianas granxas sostibles en extensivo?

Santiago de Compostela, 7 de setembro de 2022

Asdo.: **Xosé Luis Rivas Cruz**

Maria González Albert

Carmen Aira Díaz

Deputadas e deputado do G.P. do BNG

Asinado dixitalmente por:

Xosé Luis Rivas Cruz na data 07/09/2022 18:36:32

María González Albert na data 07/09/2022 18:36:36





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

María del Carmen Aira Díaz na data 07/09/2022 18:36:49



Á Mesa do Parlamento

Noelia Otero Lago e Noa Díaz Varela, deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

Moitos son os motivos e os feitos que demostran que unha redución de alumnado na aula permite unha mellor atención individualizada e uns resultados positivos en canto ao rendemento escolar.

O preocupante descenso de natalidade e o consecuente descenso de matriculación de alumnado nalgúns zonas do país no canto de ser acollido con políticas serias en materia demográfica ou no campo educativo para aproveitar e camiñar nesta aposta polos servizos de calidade unicamente está a servir de escusa na Consellería de Educación para suprimir servizos no rural, suprimir postos de traballo de docentes e en definitiva recortar investimento en recursos humanos e económicos no eido do ensino.

Sen ir máis lonxe, a Xunta de Galicia fixo oficial para este curso novos recortes de centros educativos como ven acontecendo sistematicamente nos últimos anos, desta volta en Fene, Vila de Cruces, Marín ou Vilagarcía.

Na última década asistimos ao peche de máis de dúascentas escolas unitarias e estes anos vemos con preocupación como pechan centros de educación infantil e primaria e integra outros sen ter en conta as consecuencias para as veciñas e veciños das localidades e vilas afectadas.

Segundo os sindicatos o recorte de profesores e profesoras en Infantil e Primara neste curso situarase no centenar. Serán 96 docentes menos de educación infantil e primaria tras eliminar 32 unidades en infantil e 35 en primaria, segundo datos da Consellería publicados no Diario Oficial de Galicia. Unha vez máis para a Consellería de Educación priman unicamente os motivos económicos e amosan o constante desleixo co rural e co ensino público.



Por todo o exposto, as deputadas que asinan formulan as seguintes preguntas para a súa resposta escrita:

1. Cantas unidades educativas de infantil se teñen pechado en cada provincia galega desde o curso 20/21?
2. Cantos postos docentes haberá este curso en cada provincia galega e cantos había no curso 20/21?
3. Vai ter en conta a necesidade de non seguir camiñando na perda de servizos educativos no rural á hora de planificar a supresión e integración de unidades educativas?
4. Que valoración fai do recorte de unidades e profesores con respecto ao curso 2020/2021?
5. Vai o Goberno galego manter o recorte de profesorado que se establece na Resolución definitiva de adxudicación de destinos provisionais entre o persoal de corpos docentes para o curso académico 2022/2023?

Pazo do Parlamento, 7 de setembro do 2022

Asdo.: Noelia Otero Lago
Noa Díaz Varela
Deputadas do G.P. dos Socialistas de Galicia

Asinado dixitalmente por:

Noelia Otero Lago na data 08/09/2022 10:08:43

Noa Susana Díaz Varela na data 08/09/2022 10:08:51

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es



Á Mesa do Parlamento

Paloma Castro Rey, Patricia Otero Rodríguez e Eduardo Ojea Arias, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

No pasado mes de xuño a conselleira de Medio Ambiente, Territorio e Vivenda anunciaba publicamente a finalización e recepción da obra de mellora da depuradora de Praceres en Lourizán (Pontevedra).

Unha obra na que se investiron 16,5 millóns de euros e que tiña por finalidade mellorar a liña de auga e así dar cumprimento aos límites de vertido que marca a UE.

Tres meses despois da súa posta en funcionamento a veciñanza de Lourizán denuncia que os problemas de cheiros e ruídos son moito peores que os existentes antes da mellora.

Dende o Grupo Parlamentario Socialista consideramos que a consellería ten que inspeccionar que acontece, xa que tras estas obras o prexuízo para os veciños/as incrementouse, e estamos a falar dunha poboación que leva anos soportando o agravio que supón ter unha depuradora preto das súas vivendas e padecendo a unha Xunta de Galicia que se despreocupa totalmente desta situación.

Por iso instamos a este Goberno a que leve a cabo unha inspección sobre o que está a acontecer na depuradora de Praceres tras esta reforma e tome medidas para paliar os cheiros e o ruído e en consecuencia permitan mellorar a calidade de vida da veciñanza de Lourizán.



Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Ten constancia o Goberno galego das denuncias presentadas pola veciñanza de Lourizán polo aumento dos cheiros e o ruído da depuradora tras as obras de mellora executadas?
2. Vai o Goberno a tomar algunha medida para paliar o prexuízo que este aumento dos cheiros e ruído está a causar aos veciños/as?

Pazo do Parlamento, 7 de setembro do 2022

Asinado dixitalmente por:

Paloma Castro Rey na data 08/09/2022 10:54:45

Patricia Otero Rodríguez na data 08/09/2022 10:54:53

Eduardo Ojea Arias na data 08/09/2022 10:55:04





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Mercedes Queixas Zas, Manuel Lourenzo Sobral e Daniel Castro García, deputada e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a posta en valor do patrimonio cultural galego a partir de recursos de desenvolvemento dixitais e tridimensionais.

EXPOSICIÓN DE MOTIVOS

Unha das caras principais da identidade galega é aquela que a visibiliza a partir do noso legado patrimonial histórico e arqueolóxico, desde a Prehistoria até a Idade Moderna, quer sexa este conservado e protexido, atendendo aos seus diferentes estados, quer sexa xa irrecuperábel ou desaparecido.

Nun e noutro caso é posíbel conservalo, recuperalo e resignificalo grazas ao traballo interdisciplinar de especialistas e expertos no seu estudo e investigación desde as diferentes áreas do coñecemento da historia, da ciencia e da tecnoloxía.

Mais, na actualidade, cómpre tamén procurar o retorno deste patrimonio cultural histórico ao tempo e á sociedade do presente.

É por iso que xa están en andamento proxectos de gran recoñecemento que están a fortalecer a nosa memoria patrimonial cunha nova memoria visual hiperrealística adaptada á linguaxe dixital do século XXI.

Deste xeito, o rigor histórico xunto ás tecnoloxías da información convértese nunha oportunidade óptima para educar e reencontrar a sociedade galega coa súa propia historia patrimonial como cultura milenaria e posicionarlos á par das outras culturas do mundo.





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Na actualidade, o Centro Infográfico Avanzado de Galicia (CIAG) está a ser un bo exemplo deste obxectivo a través dunha metodoloxía de vasos comunicantes que converte en accesíbel a todos os públicos o coñecemento e posta en valor do patrimonio cultural galego, nomeadamente daquel do que xa apenas temos constancia física.

Esta recuperación da nosa memoria patrimonial permítenos acceder a un sector emerxente do punto de vista cultural e académico, mais tamén como polo económico, industrial, investigador e laboral ao redor do sector audiovisual, realidade aumentada, impresión 3D, videoxogos, etc.

No BNG acreditamos en que estamos ante unha liña de traballo pioneira e moi necesaria, que precisa e merece impulso desde un goberno galego que se recoñeza no alto valor do seu patrimonio histórico cultural nacional, como valor social e de coñecemento en si propio e tamén como valor de mercado turístico e divulgativo, de proxección internacional de Galiza como un referente cultural universal.

Por todo isto fórmulase a seguinte pregunta para resposta escrita:

Ten a Xunta algún proxecto planificado para a recuperación e posta en valor do noso patrimonio cultural a partir de diferentes recursos de desenvolvemento dixitais e tridimensionais que permitan reforzar o seu recoñecemento social?

Santiago de Compostela, 8 de setembro de 2022

Asdo.: Mercedes Queixas Zas

Daniel Castro García

Manuel Lourenzo Sobral

Deputada e deputados do G.P. do BNG





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Asinado dixitalmente por:

Mercedes Queixas Zas na data 08/09/2022 16:11:28

Daniel Castro García na data 08/09/2022 16:11:31

Manuel Antonio Lourenzo Sobral na data 08/09/2022 16:11:40





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Carme González Iglesias, Ramón Fernández Alfonso e Daniel Pérez López, deputada e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre o concerto do cantante C. Tangana en Vigo patrocinado pola Xunta de Galiza dentro da programación de Concertos do Xacobeo.

EXPOSICIÓN DE MOTIVOS

O pasado 23 de agosto celebrouse en Vigo un concerto do cantante C. Tangana, patrocinado pola Xunta de Galiza dentro da programación de Concertos do Xacobeo.

Puxéronse a venda 6.000 entradas a un prezo de entre 39€ e 49€ que se esgotaron no inmediato.

No peirao de transatlánticos do Porto de Vigo, onde se celebrou o concerto, instalouse unha zona VIP máis elevada, cunha capacidade aproximada de 500 persoas, á que só se podía acceder con invitación.

Durante a celebración do concerto púidose ver como a esa zona VIP acceder cargos políticos do PP, familiares e amigos dos mesmos, persoeiros públicos, celebridades, ...





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Resulta inexplicable que nun concerto patrocinado con diñeiro público se habilite un espazo privilexiado, a maior altura que o público que pagou a súa entrada, para utilizar como prebendas.

Dende o BNG entendemos que os representantes institucionais, non poden utilizar o goberno para beneficiar a persoas afíns por encima da veciñanza.

Por todo o exposto anteriormente fórmulanse as seguintes preguntas para resposta escrita:

- Con que cantidade patrocinou a Xunta de Galicia o concerto de C. Tangana en Vigo?
- Que outras administracións, entidades ou empresas patrocinaron este concerto? Con que cantidades?
- Cantas invitacións VIP se repartiron? Cantas persoas accederon ao concerto con invitación VIP?
- Como se distribuíron as invitacións VIP entre os patrocinadores? Cantas lle corresponderon a Xunta de Galiza?
- Que criterios se utilizaron para distribuír as invitacións que lle correspondían á Xunta de Galiza?





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

- Como valora a Xunta de Galiza converter un concerto patrocinado con diñeiro público nun evento con área VIP privada para representantes políticos, familiares e amigos destes, celebridades e personaxes públicos?
- Cree o goberno galego que os representantes institucionais, poden utilizar o goberno para beneficiar a persoas afíns por encima da veciñanza?

Santiago de Compostela, 8 de setembro de 2022

Asdo.: **Carme González Iglesias**

Ramón Fernández Alfonso

Daniel Pérez López

Deputados e deputadas do G.P. do BNG

Asinado dixitalmente por:

María do Carme González Iglesias na data 08/09/2022 16:42:20

Ramón Fernández Alfonso na data 08/09/2022 16:42:24





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Daniel Pérez López na data 08/09/2022 16:42:36





OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Mercedes Queixas Zas, Manuel Lourenzo Sobral e Daniel Castro García, deputada e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a licitación da contratación da plataforma tecnolóxica Film Commission por parte da AGADIC.

EXPOSICIÓN DE MOTIVOS

Recentemente a AGADIC publicou a licitación para a contratación do servizo de creación, posta en marcha e mantemento da plataforma tecnolóxica de Galiza Film Comission, financiada ao 100% no marco do eixo REACT-UE do programa operativo Feder-Galiza 2014-2020 como resposta da Unión Europea á pandemia da covid-19.

O desenvolvemento desta Film Commission, como medida de impulso do sector audiovisual, pretende crear unha plataforma tecnolóxica que sexa lugar de encontro e de traballo do sector público e privado onde os profesionais, por unha banda, encontren un escaparate para ofrecer os seus produtos e servizos e pola outra, atopen todos os recursos necesarios para desenvolver o seu traballo.

Segundo a oferta de contratación, o obxectivo último é crear unha ferramenta que permita proxectar Galiza como como espazo de rodaxes. E esa ferramenta defínese como a creación dun novo portal web cun investimento económico de 400.000 euros durante un prazo de execución de 36 meses coa data do 1 de setembro de 2022 como previsíbel data de comezo do contrato.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Por todo isto formúlanse as seguintes preguntas para resposta escrita:

- Cantos proxectos se presentaron a este proceso de contratación do servizo de creación, posta en marcha e mantemento da plataforma tecnolóxica de Galiza Film Commission?
- Como se vai concretar ao longo dos anos 2022,2023, 2024 e 2025?
- Que recursos específicos vai ofrecer esa plataforma tecnolóxica e para quen van destinados?
- Como quedaría o papel do resto de Film Commissions que xa operan en Galiza?
- Con que estrutura de persoal esperan contar para dar servizo a esta plataforma?

Santiago de Compostela, 8 de setembro de 2022

Asdo.: **Mercedes Queixas Zas**

Daniel Castro García

Manuel Lourenzo Sobral

Deputada e deputados do G.P. do BNG

Asinado dixitalmente por:

Daniel Castro García na data 08/09/2022 17:27:21





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Manuel Antonio Lourenzo Sobral na data 08/09/2022 17:27:33

Mercedes Queixas Zas na data 08/09/2022 17:27:51





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Ramón Fernández Alfonzo, Daniel Pérez López e Carme González Iglesias, deputados e deputada do **Grupo Parlamentar do Bloque Nacionalista Galego (BNG),** ao abeiro do disposto no Regulamento da Cámara, presentan a seguinte **Pregunta para resposta escrita,** sobre a situación do persoal do Hotel Carrís Almirante de Ferrol.

EXPOSICIÓN DE MOTIVOS

Carrís Hoteles, S.L. é unha cadea hoteleira do Grupo Carrís que xestiona varios establecementos hostaleiros na Galiza, entre eles algún tan coñecido como o Albergue do Monte do Gozo, en Santiago de Compostela.

Como todas as empresas do sector viuse moi afectada pola crise provocada pola pandemia, e desde o primeiro momento botou man dos mecanismos sociais artellados polo goberno, nomeadamente un ERTE por Forza maior, que foi xestionando en función das necesidades cambiantes en cada un dos centros que xestiona no noso país, e que prolongou até o último momento.

A partir do 1 de abril do 2022 esta empresa está a aplicar un ERTE ETOP, pactado coa maioría da representación do persoal nunha negociación na que participaron representantes de 6 establecementos diferentes.

A excepción a ese acordo foi o persoal do centro de Ferrol, coñecido como Hotel Almirante, que manifestou o seu desacordo co ERTE proposto pola empresa, xa que establecía unhas condicións especiais para eles moito máis gravosas que para os demais centros de traballo afectados pola medida.

De feito este persoal leva sen traballar, no mellor dos casos, desde outubro do 2020, cando nos demais centros do grupo afectados por este ERTE as medidas consistiron en reducións de xornada, e hai tempo que veñen traballando case con total normalidade.





OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

As causas deste trato diferenciado e máis gravoso hainas que procurar máis aló de dificultades económicas, da situación do sector, ou de avarías das infraestruturas municipais, en desencontros de carácter empresarial entre a dirección da cadea hoteleira e a propiedade do edificio, algo absolutamente alleo ao persoal do centro, que sen embargo vese discriminado e profundamente prexudicado, pois esta estratexia empresarial trae como consecuencia que desde o mes de xuño todo o persoal do Hotel Almirante esgotou as súas prestacións por desemprego.

Por todo isto formúlanse as seguintes preguntas para resposta escrita:

1. Coñece a Xunta de Galiza a situación do persoal do hotel Carrís Almirante de Ferrol?
2. Que opina a Xunta de Galiza do feito de estar o persoal de Ferrol sen percibir prestacións por desemprego?
3. Ten a Xunta de Galiza algunha relación comercial con Grupo Carrís?

Santiago de Compostela, 8 de setembro de 2022

Asdo.: **Ramón Fernández Alfonzo**

Daniel Pérez López

Carme González Iglesias

Deputados e deputada do G.P. do BNG

Asinado dixitalmente por:






OFICINA PARLAMENTAR
Parlamento de Galiza
Rúa do Hórreo, 63, Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza

Daniel Pérez López na data 08/09/2022 17:53:50

María do Carme González Iglesias na data 08/09/2022 17:53:53

Ramón Fernández Alfonzo na data 08/09/2022 17:54:05





PARLAMENTO
DE GALICIA

BOLETÍN OFICIAL DO **PARLAMENTO DE GALICIA**

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

